



特 16  
2752  
10





門 八 16  
號 2752  
卷 10

舟州山人四部稿卷之三十二

吳郡王世貞元美著

詩部

五言排律五十九首

送姜僉憲始分省江西

萬庾敷倉粟千帆下瀨兵伊誰任保障南北一書生  
命豈馮唐晚恩元介子輕拮据雙鬢在留滯寸心明  
金紫當年物丹青異日名除書歷下里幙被丰邊城  
家接三江近人如九派清深逢獄中劔拂拭請長纓  
新樂端惠王輓詩一首

舟州山人四部稿卷之三十二

世澤堂刊

昭和十六年十一月十九日



帝紀年元狩先王建社初地分齊渤海親比漢朱虛  
壁有先賢籍門多處士車蛟龍一夕變雞犬亦無餘  
明月空丹雘流雲自綺疏猶聞劉向在能讀枕中書  
聞島寇警有感因呈兵憲王使君

烽火年年是乾坤處處殘倉皇趨白羽頰洞及黃冠

忽改汾陽色知登漢將壇天橫海慮海舟也見合月

上庵廬軍營也見寒劍客雄爭奮兵符靜不譙揮鞭

畫吳海飛捷動長安名已丹青刺囊母赤白看漁樵

吾計晚戈甲此身難籌策須時定農耕稍自寬好將

鏡吹曲來奏栢臺端

寄張見父

萬事俱不作終年恒論詩伯氏既以屈汝詩欲何為  
清淮破白後上蔡飛蒼時兄酬復弟勸吹埴還和篋  
片語不孤賞焉用他人知

其二

吳下忝兩陸汝南推二陳毋論青雲器各致白雪身  
五馬驅駸駸雙鴻散逡巡晉楚齊秦匹東西南北人  
何當一杯酒相嚮和陽春

過子與二十韻

汝官今復罷吾晚欲看誰一棹滄江色孤城落木時



應門權競發倒屣喚猶遲青眼窮交甚蒼頭夙嗜知  
嵬茶雲入筥渚稻雪分匙軟剝迎霜粟纖供衰露葵  
鹿寒紅玉肪魴鱠白銀絲畫燭雙頻換清尊百不辭  
坐移難辨客談勝各相師遠漏寒敲短踈櫺曙影窺  
凌競追往事飛動及新詩天欲人才盡身仍我輩私  
總無慚鳳德應不悔蛾眉野服安群態時名舍衆疑  
酒徒殊未少醉尉爾何為有盛丞者欲相要老厭乾坤束歸  
憑日月欺浮雲輕劍玦返路有墳箎好展求羊徑重  
為嵇呂期此生唯闔健得句莫傷離長揖茗溪畔茫  
茫信所之

哭徐汝思憲副十韵

平原公子道冰雪見追尋已未之變別君德州我自愁梁獄君  
能操越吟古今成握手天地各抽簪急難朋情露艱  
虞物態侵一官身併擲萬卷恨俱沈病但憐埋玉窮  
誰問鑠金芰荷辭世早蘿薜畏人深風鬱銅川色雲  
橫石室陰烟波遲執紼山水悵知音未有延陵劍空  
餘國士心

書懷

欲詢歸後况高枕即生涯懶入時情甚衰從物態加  
浮踪付蕉鹿宿痾笑弓蛇酒漸輸中戶詩仍諱大家



寬心籬外鷓鴣寄恨井中蛙星斗終何預江湖敢自誇  
畏稱徵士柳羞種故侯瓜不齒交游盡何顏歲月賒  
榮名真嚼蠟眷屬似搏沙唯有空王觀能消夢裏花

賦得雙紗屏十韻

雲母翳槐席火齊列延清詎若茲屏麗湛湛復盈盈  
織從鮫手細畫出虎頭精含霧花如咲棲烟鳥欲驚  
蠅令仲謀誤牛作武秋鳴玉魄壺堪濯冰神鏡轉明  
窺粧却月豔障舞避風輕清芬晝不隔澄暉夕未傾  
星流帝女製池奪影娥名自有淮王賦春光甲漢京  
王明佐北歸頗責買山之資因述長句五十凡

二百五十言為贈且以終

王生裂繻後西行入咸陽使氣  
一朝頓錯莫萬事皆摧藏下客彈  
方朔饑欲死次公醒而狂頗自誇  
時時傍黃射卒卒付陽昌因爾動秋興翻然歸故鄉  
華門棲倦雀蓬室掩寒蟄長統無樂志安仁有悼正  
虛開蔣翊徑誰拜龐公牀牀醜寒自老徑跡雨仍荒  
羞溢囊中玉牢騷鏡裏霜筆花還夢奪詞草欲愁忘  
項領早暮變襟裾歲月長何人借顏色何地著文章  
昔忝秋卿署論交燕市傍眼底互青白舌在各雌黃



兩奇不相下衆咻安得詳微官成棄置歸色闕淒涼  
自乏監河粟難容刻下裝余誠愧公業爾誤許君房  
鮒轍沾雖易蝸涎割更妨感惠與知己天地漸茫茫

送張幼于扶侍還越舅家因檀施諸寺

竈親爲令子似舅即賢甥我有王維句重貽張仲行  
玉看家宅相花作板輿程峰色兩高紫松陰九里清  
忘憂行際草惜別夢中荆鈿寶施貧域篋金引化城  
莫深慈母慮斟酌錦囊輕

贈崑山何丞之靖江國官

一尊從父老握手吳江湄舊讀何侯傳能貽宦後思

莫尋陶令興便托去來辭客席今虛左王門儘自宜  
賦高梁苑雪花滿鬱林枝卧看馳驅者應言漢吏卑

奉送子敬宗兄之建寧司理因簡明卿邵武

大令吾宗彥風流今在君八轡清轉勵五馬重仍分  
瘴色憑驄破鄉書與鴈聞名題峴山月詩憶幔亭雲  
獄吏愁丹筆門人惜練裙如逢郢中客何以結殷勤

夜宿天池雨歸作

石榻夢能淺偶然甘雨零亂烟縈處合幽梵坐來停  
薜挂疑相媚松眠乍欲醒遙淙鬪飛白斷壁吐空青  
澗發琴中水池添鏡裏星破萍龜浴甲綴草鶴梳翎



步步堪迴履時時忽建餅肯分香積飯十日代翻經

月夜天池上方作

天池此夜月迴彩映諸天忽自牟尼捧如從象罔懸  
千林青瑣碎一澗碧潺湲峰奪五湖色城噓萬井烟  
靜聞僧偈惋深現佛燈圓玉借蓮花頂金添貝葉編  
獨棲成水觀小坐息塵緣何處生公石殘更又管絃  
卧病掩關即事有感示友人

三旬不冠幘始可稱閒居衰至頗知疾懶來蕪廢書  
悠然紫微靜時見白雲舒稚子爭為傲窮交也自踈  
卿應用卿法吾亦愛吾廬雞黍從耕有鶯花逐夢除

子桑今自得泄柳古何如莫作時名擬身拚齒頰餘

答贈臧都督二十韵

十年纏殺氣閩海欲沈淪自展風雲略因窺天地仁  
一食思報

主百戰肯謀身寶劔酬心熱錢刀結狹貧擣批期盡  
敵跳蕩不無神續扶單言轉醪投萬念均昆陽愁虎  
豹充國讓麒麟夢協非熊久恩看錫馬頻重茅頒節  
鉞雙綬綰金銀日月寬南顧星河捧北辰耳聞鈴閣  
暇手寫道經新餘力開文苑孤懷寄酒人忽來鴻鴈  
色乍與薜蘿春縵紆鄉仍貴瓊瑤報未真病餘疑管



鮑意外得雷陳已鍛搏森翼誰沾酒轍鱗千秋空在  
掌五嶽自為隣筐篚慚宗測壺歌憶祭遵幾時青雀  
舫相對白綸巾頗詫為漁舊桃花好問津

久病作

一卧三鑽火扶携感此身驗未方漸少點罷藥堪貧  
萬事須歸病千秋肯傍人傲春僵後木愁影釣餘鱗  
綠醕判教負黃花也自釐又廿吾道左翻得物情真  
書癖仍玄晏詩名豈照隣亦知多掩鏡攬罷易沾巾

傅司理母守節

握手無存沒遺孤自始終此生唯泣鵠不死為丸熊  
玉貌先年毀米心後日融天留素機月人誦栢舟風  
太史詩垂采僊郎籍已通事歸彤管上名在紫泥中  
雋著時堪進潘輿樂未窮請看臣向傳能復幾人同

焦山作

勝地幽能闢竒探倦轉豪一丸分鐵甕雙柱是金鰲  
潮壓樓臺小垂空薜荔高中峰帶海色半壁漱春濤  
僧飯齋時得鄉愁醉裏拋欲尋焦處士今古只蓬蒿

其二

青山望不斷一一鳳凰飛駕海雙輪古襟天匹練肥  
魚因聽梵出鶴為瘞銘歸客坐苔能席僧房薜自衣



爭潮漁鼓亂離岸寺鐘微餘興還能賈長歌送落暉

題琉璃河新橋

御水瀛州北新橋大鹵中橋橫三輔壯水壓九河雄  
的歷瓊瑤砌蜿蜒霧雨籠神人為驅石車馬若排空  
洞偃初虧月楣飛欲霽虹梵天從幻降玄圃或潛通  
鯨躍昆池雨鳥驚銀浦風霜蹄催鑿落霞舫破沖澗  
真作布金地如窺獻寶宮今來題柱客應小乘輿功

贈疊石戈生

君家何處住家住虎丘東荔薜門初闢芙蓉服白工  
移山一拳小鞭石五湖空陵陸渾史事烟霞指顧中

我仍輸老圃而豈後愚公欲覓支機供銀河倘許通

故關

四塞河山險中通一線行雄關蔽全趙疊嶂拱  
神京尺地分寒暑中天各晦明秋英開繡壁夕照吐  
金城屋似浮空置田疑傍漢耕雲根穿作竇石髓借  
為粳樹襟旌旗擁峯陪劔戟迎符從襄子計陣擬率  
然名廣武堪稱客成安未曉兵古來興廢事太半誤  
儒生

贈魏生十二韻吾邇來未嘗作此許人語也其  
毋負我



秀氣鍾全魏名家自信陵風期一代出眉宇九秋澄  
龍產看為驥鯤游化是鵬霜蹄寬小蹶月窟勇先登  
法取夔州細才從大曆增五言融擺脫隻字闢駭騰  
不作依劉表誰堪御李膺天雄驅建節雲臥奪中興  
得汝愁真破歸與老自矜句淘漳水濁談削太行層  
白雪無前後朱顏有愛憎流年姑袒褐要路阻擔簦  
骨在金終許脛傷玉可憑還將代興意對酒頌如渑

題寄殷無美掩關

桃李飛欲盡衡荆猶寂如無勞長者轍自有古人書  
白眼酬交少清尊問字虛禽情寬漸狎草色傲能舒

業已潛夫就終難求仲踈還將一鳴意從爾扣三餘

九里松

未叩三天竺先過九里松青葱表河潤九天矯失秦  
封雲結諸天座風和萬壑鐘翔空尾鸞鳳坼地甲虬  
龍花滿餘杭釀王方平事脂充石室供案封事唯輸道傍客  
行止一簪筇

靈隱寺

步屨徑垂盡招提天忽開山驅丹鷲下泉捲白龍迴  
石氣清僧席藤陰裊佛臺鐵衣雙大士謂徐駱也金粟萬  
如來桂子寺愧題名隱詩憐異代才游人日何限無地



着蒼苔

贈呂光祿

少小事結束薄游傾五陵飄然杖屨去不愛帛書徵  
人擬白衣相自稱黔鬢魯雄心付磨滅幽思削憑陵  
汗馬乾坤小雕蟲歲月增妙能探衆有窮始向真乘  
踏盡空山錫誰堪續日燈相逢但指口吾意慕孫登

富陽至桐廬道中

揚舲溯流上秋色競紛紛翠荇波仍繡丹楓壁自文  
路疑千嶺盡山為一江分夕照高低出灘聲遠近聞  
薜衣過木客椒酒問桐君欲叩幽棲意峰峰多白雲

大中丞潘公自吳興扁舟見訪醉我小祗園各  
抒遜况得十韻以謝

薄宦容休沐幽棲得故人蓬今開仲蔚花似識安仁  
餉我烏程酒蕪之千里尊片言心轉合一醉俸堪貧  
兕觥驕增色公所贈也梟盧捷有神態知顏玉好交入斷  
金親共愛浮家易仍誇澤國鄰風塵生塞兌歲月老  
知津予忝分麾舊公仍故事新爭為五湖長此拜定  
誰真

過沁州一舍大風雨即事

峭鐔撐天漏妖雲蔽日翔千山俱島沸萬樹各鳴張



送雨排銀鏃飛瀉挂玉梁左搭愁絕澗西顧失連岡  
濕東人偏小愁催路轉長行行畏魚腹步步怯羊腸  
自哂隨車謬翻疑叱馭狂安危此身在大地有康莊

黃中貴園亭小燕

筋骨秋來倦那厨可一過青山屋裏岫曲沼鏡中波  
黃於室中院洗消人馬籠肥內史鷺酒憑官法貴着  
按食經多修事羊渾脫煎腸鹿落河兎園才競秀金  
谷令從苛更進婆婆舞新翻軟勒歌莫輕錢積破帶

馬贈和哥 時大出纏頭

哭李于鱗一百二十韻

歷下無真氣詞林失大賢那能詛岱嶽誰與問高天  
才去垂三斗悲來遍八埏人應疑頓挫帝或悔陶甄  
念爾千夫俊生操萬古權仁禽產丹穴僊驥秣青田  
妙取星弧發精鷲月脇穿鈎深百丈餌搏捷九秋鷗  
文許先秦上詩卑正始還五言珠錯落一字玉規圓  
思逸龍雲表神超象帝先殷盤高詰曲周雅美便嬛  
獨表齊風大俱疑汲冢前崢嶸露頭角擺脫謝蹄筌  
海濶珊瑚老雲深石髓堅錦裁還蜀郡壁就必于闐  
繞筆江生蓋芬裾屈氏荃乍窺饒駭異精識解鑽研  
有眼看從白為郎意尚玄志長輕漢落才大得屯澶



不欲過千石憑他滿百愆傲時誇襍被貧肯較偷  
縱倒中郎擬能辭太尉賤交游盡緋紫歲月耗丹鉛  
路鬼挪揄去腰符累若懸扶風京尹亞襄國輔城專  
推案姦爭吐操斤劇自割買牛因解劍飲馬亦留錢  
治理聞承相徵書下潁川手堪為木鐸腹曉別栝捲  
漠殿勞將作秦山募梓梗法冠巍揭宿藻鏡迴臨邊  
衿傍函關擁帷從太室褰驪瓜真結實華片獨擊蓮  
宛駿收垂畢冥鴻興杳然叱迴邛坂馭歸作剡溪船  
避客同干木逃封似魯連葦門寬偃蹇蓬鬢詘周旋  
自撫高山操人收白雪篇披雲凌巖嶮乘月弄潺湲

雷澤深堪釣謹陰近可佃居疑潛洞穴出競指神僊  
芝木鋤端有芙蓉木末舉探真採離坎觀道得坤乾  
懸圃壺開境崑崙雪滿巔縱饒家累迫斷不世途牽  
過客寧歌鳳門生乃獻鱸中興逢鼎革  
聖主下旌旃省鸛初欣入臺烏再賀遷錦開梁左席  
花覆越來舩煦沫沾江表澄清劃澗漚九苞騰見瑞  
萬蟻率歸膾暴斧猶拈手潘輿未息肩水霜挫慈鳥  
天地幻啼鵲髮短窺吳練腸迴斷郢絃壞梁通寤寐  
辟穀悞真詮始作步兵慟長耽北海眠春秋麟獲日  
庚子鵬來年營魄三尸妬膏肓二豎跽本因支骨毀

神州山人稿 卷之三十一 十一世經堂



翻訝捧心妍以心痛卒玉樹埋將迫金墓病不痊慰書煩

孝緒却藥少醫扁撫舊人人戀傷心事事捐魂辭宋

玉去藁托所忠傳伏蹙駒差壯歌盆鴿早暝夜臺依

聖善秋閣鎖嬋娟不及分香履猶聞墜寶鈿有情推

入夢無累割歸緣日月長何補風雲快自便朗融歸

霽霽混沌脫雕鑄佩惜干將化棺堪塵尾填蒼皇鮑

山色冷落惜湖烟馬鬣封猶壯魚燈闇詎難纍纍墳

四五蠹蠹劔三千宰木俄圍拱佳城易鬱芊埋光騰

斗柄含氣吐蜿蜒本自成夸父猶疑侶倥傯計霾秋

照黯妖孛歲星躔直是魑將魅寧分蟻與鷲舊游俱

短氣何事不堪憐思入張衡苦甫二悲將吳質纏明殷

侯甫正呼咄咄許掾殿涕漣漣子孤徐幹與生平一

仲宣衷腸須繞晉烈魄肯投滇忽報驚難定徐徵或

有焉聽來杯酒墮語罷帶圍也腹減損况忽時謔語怍

營挽索算那知寸草折翻斷百愁煎蹤跡堪驚虎幽

憂更怯弦羸軀困邁軸跛足類拘攣滿掬揮鮫淚輕

裘漬酒綿暫馮青鳥達莫恠素車延欲哭仍枯眼將

歌已塞咽悠悠思徃歲媿媿訴重泉茅本曾名蕙夔

今反惜蛇欲知吾變魯總為昔游燕剛筆推丁廡忘

形到鄭虔雄雖啖黃鵠哀不廢鳴蟬竊喜陪膺乘猶



甘讓祖鞭尊分御露美管奪彩霞鮮左癖編三絕輸  
攻下九淵縱衡儒後俠跌宕酒中禪不受尚書命橫  
翻開府筵中清籌罷漏赴懶影過磚風格留揚扞波  
瀾借沂沿商空爭矯健大鹵放騰騫身任呼癡物官  
初並冗員跡茸龍夔近名忝鴈鴻聯慰別勤加飯分  
貲與索饋調歸形影合交入肺肝偏覓罕招難轉義  
輪去更過代興愚敢任後死恨逾絲痛欲隨蘭槁狂  
今愧瓦全浮生長寂寂怒目縱眈眈百六胎多口尋  
常飽老拳弔形添慘澹無計覓連翻牛耳誠貪執鷄  
尸敢放顛蕭條五子詠乖隔二鳴編欲勒太丘石親

題京兆阡詞塲空滿目誰定筆如椽

為顧莘夫尚寶題露香園八韻

吳下風流地重聞顧辟疆一丘官自拙三徑意難荒  
杖底千秋出壺中萬象藏構分蒼鹿柴穿得白鷗鄉  
竹露寫清韻荷颯未暗香破雲施短屐過雨進輕航  
雞舌忘為吏金莖不願嘗可容王子啟門外踞胡床

張仲立移居

汝意在窮巷生涯誦卜居庚桑新畏壘苦竹舊張廬  
孝友元無間蓬蒿了不除地今仁里美池是讓泉餘  
宛爾雙桐並蕭然五柳踈移家無搭石立壁有圖書



不改看山戶初迷問字車東林夜來月強半為君舒  
吾婁江東西二潮俱會於學宮之傍邑侯徐先  
生居焉因自號曰會川而尤子求為之圖

東西兩潮水各向一川平不作淄澠異還疑穀洛爭  
雙龍驕欲鬪萬馬怒俱鳴落似并刀剪來添泮壁明  
波臣車轂擊越女棹謳迎舟楫才將老烟波計已成  
穴堪升鯉出天借白鷗盟清泌衡門下棲遲寄此生  
陳子道易向客徐相公所以忤陸都督出游謁  
余營丘有舍館之契今年夏初復訪海上留少  
時雖才氣不衰而髮種種矣賦此惜之且以贈

別

昔作平津客能侵臨汝侯片言不稱意匹馬遂西游  
所至多逢累居然一蒯緄賣文安損價買酒迫驅愁  
命信天公活身從地主收訪余歸茂苑每語必營丘  
卯俸雖云薄融尊可暫留青迴斯世眼白對故人頭  
縞帶鄉元賤綈袍暑不求有珠堪照乘為汝夜中投

輓觀察俞丈汝成八韻

宦蹟乾坤滿歸踪日月偏罷談雲夢獵公歸自楚泉 權擁  
雪兒眠散酒雄心好園林勝事專刪詩備九代為樂  
及當年月樹傳清響風花雜委鈿庚申尸入諸單闕



鵬來旋佩黯金魚色筆迷銅雀烟西州門外客支策

誦遺篇謂瞿叟也

贈劉君北還兼簡謝丈茂秦

汝師吾老友詩律向來寬事往綿袍易時平削缺難  
五言摧落魄隻字問加餐遣使同端木逃名可段干  
蕭條下客具顛倒豎儒冠莫話江南好人情試自看  
游石公山東連雲障入劔樓

地是排雲上天從破澗通乍看雙劔豁不數五丁雄  
一轉成開闢千尋接混融竦身爭鳥道側足瞰龍宮  
鼉擁高低石鯨噓斷續虹張空帝子樂吞浪大王風

響答歌增壯尊扶力未窮欲尋前相蹟明威古苔中

過莫丈方伯園再過伯子雲卿園作

別分仁誨第自起辟疆園窈窕藏春癖縈紆選勝繁  
倒池深柳色微雨逗禽言梓澤真堪號潘詩許再論  
地應占宅相書可勝家尊看竹知無忤王郎好弟昆

送崑崙山人王叔承游楚

桃葉墮三湘風吹作酒香懷中雙玉笛把贈一王郎  
不必誇鸚鵡唯須典鸚鵡衆嫌文士薄吾愛酒人狂  
逐鴈回天柱登樓快武昌稍聞魚價賤莫使缺歌長  
大中丞臨海王公以舉遠樓十六韻見示命和



率爾續貂殊忘醜陋不足辱楫棟間也

通漢高開閣籌邊壯寫圖指南通海國走北餉天都  
星欲重簷墮雲將列雉扶淮流遙控楚江勢下吞吳  
白馬宣房頌玄熊大禹謨轉輸寬戍卒利涉盡漕艦  
匹練通流細千帆挾霧粗龍腥春動海蚌吐夜明湖  
羽衛雲同合教倉雪並鋪已聞遷計相仍借領兵符  
闔闢新名重浮沉徃論徂策勲須第一有賞必稱殊  
事業能書鼎詩篇可好竿偶然存舊社未肯忘迂儒  
貴豈雕蟲在寬容尺鷃紆知公意拂拭矯首望長途

白光祿自晉陵狂駕海上感舊有贈

上客平津閣先朝建禮門時名五字貴國體片言尊  
倏忽風雲變消搖歲月存乍堪鷄作口不並鶴乘軒  
詩即香山社家為履道園清時人自失晚節事重論  
題鳳吾何避登龍爾漸敦黃公酒鑪伴強半欲招魂

采石謁太白祠

苔堦擁立壁遺像挂蠨蛸誦爾天門句不風江自濤  
千秋無正始一代見才豪三山雲作供姑熟水為醪  
霞明銅棺日天墮宮錦袍那能不相待空自躡金鰲

京山李右伯師孟五鼓餞予觀音巖作

勝地停車得離筵載酒勤巖飛四時雨樹鎖一溪雲



似借軍持滴疑將梵唄聞草成瓔珞相石作貝多文  
催舞雞三唱驚棲鵲數群潮音喧寂改曙色去留分  
戀戀飯慈氏沾沾御李君秋山如有意蒼翠轉氛氲

鄭君義方亭

二子登茂俱第

子真家谷口瓊樹已成行並秀池塘草俱為大國香  
雲霄鴻序近日月鯉庭長舊里名通德新亭表義方  
一經為世業雙壁奏天閭宅相誰能擬知從魏劇陽

封太常陳翁八十

珪組離塵格烟霞見貴人繡盤鷓鴣舊金蹙荔枝新  
鶴骨何妨瘦霜毛已自鬢問年方夢獵有子舊批鱗

為戀舞衣樂言辭補交臣桃源如度索琴水好垂綸

歌妓青油舫新醕白葛巾過從無約束合鼓任天真  
一效莊生頌看君比大椿

哭袁提學魯望十韻

名家稱父子誰似汝南哀死繼脩文職生同命也  
拮据無素產跌宕有清尊白髮收經術朱幡仗  
主恩鏹埋爭煥發識汗必騰奔海岱神猶王風雲變  
可論毀真銷至骨招不返游魂舊客高陽少諸生稷  
下存一經遺魯壁匹練傍吳門為報泉臺叟孤兒是

愍孫

君晚始得一子僅七歲



新安汪將軍父嘗從咸都督平閩寇積功至三品將軍有文武才棄諸生謁大司馬銓得父官以歸賦此壯之

憶昨嘉隆際乾坤闢睿謨飛書購閩越扶藜走匈奴一入樓船幕雙懸虎豹符蒿萊國士見喬木世臣俱接武人如玉敦詩將是儒看君燕領在投筆未應緜

過羊開府祠

但語羊公廟那能不黯然殘碑無一字墮淚有千年敵折從恩巧君明得讓偏吞吳付身後薦杜及生前以展襄江濶長增峴首妍習池南去是也許世傳

過習家池亭

山簡一時適習家千古亭中原天擾擾刺史日冥冥白恰人何往銅鞮客試聽池留歌眼碧峰壓酒痕青勝地真堪醉清朝漸愛醒婆娑欲小住眠鷺起遙汀

鄖陽道中

蜀道難從昔鄖山不易扒分峨雲作戍如灩雪成堆忽頰龍宮迫俄鷲鳥道開旌旗從地湧鼓吹薄巖迴無虎心時動非猿響亦哀脅肩峰峩嶸履浪喧喧麋子甘從徙鄖公肯再來俱言叱馭好未有鑿空才

答曾翁

舟山八稿卷之十一



不待投箸後高名衆始知里元春雪地官亦白雲司  
清世無哀郢良辰有浴沂斲輪餘老手推轂付佳兒  
景愛扶藜慢甘從噉蔗遲軍城正愁絕願解爲新詩

淨樂宮

在均州所謂淨樂國也

神農昔撫世淨樂已名都末法開金相真王得寶符  
天從百戰順人役萬靈趨羽衛齊宸極丹青出睿謨  
神功隨現有至理入論無莫尼群真位遺編悞老儒

玉虛宮

即真武所拜王虛師相名也

霞矗黃金界虹飛白玉橋帝居開顯赫天路入岩堯  
祥網雲常掛松珠露不消步將塵世障境許俗心調

聖水流仍暖僊衣靜自搖可知笙鶴度特底引王喬

遇雨投紫霄宮宿

千山入窈冥萬壑助泠泠鳥道春元合龍宮夜不扃  
摩雲峰展轟擲火帝流鈴倦引投枝易寒鷲灑面醒  
更衣朝紫極添篆讀黃庭却憶明朝路峰峰洗更青

謁太和宮

一柱太和宮千巖元氣中芙蓉寒不謝僊掌近還空  
地是鈎盤上橋從貫索通日輪團倏火天樂斷罡風  
康氏爲宗國幽方及寓公赤明無信史吾欲證崆峒

將問之廣成子也



六言律五首

自嘲

雕蟲一代誰肯倚馬千言自才璞在腊羅周市金多  
骨立燕臺棲身何處三畝落魄生平一杯辦取青蠅  
吊客毋煩鳩鳥為媒

邢州郡齋同于鱗分賦十二體得遺字

毋論躑躅三輔且共沈冥一卮為郎我甘牛後縱飲  
汝亦鷓夷比鄰萬里長在片言千秋所遺抗手詰朝  
為別太行白雲紛馳

贈味茶山人

華胥乍停午駕羨魏皇即在北窓山家穀雨初展石鼎  
松風漸降此時月團兩片絕勝白壁一雙啜罷胸中  
何似澄露秋滴空江

喜吳明卿遷叅政內地寄調之

十載卑地長沙猶自愁人齒牙春風一吹貴竹腰帶  
也解生花誇他山鬼過嶺喜汝波臣到家唯是談經  
天外何人為作侯芭

游武當山五龍宮

聽雨過青羊澗披雲出紫蓋峰曲曲蜿蜒複道層層  
歷落恠松叢巖幾點靛鞞擁殿千朶芙蓉倦時但引



何日可到家 何日可到家

尔来心绪乱 尔来心绪乱

月夜思乡切 月夜思乡切

念及故乡人 念及故乡人

独坐窗前夜 独坐窗前夜

思君如流水 思君如流水

日夜向东流 日夜向东流



18-10-18

W. J. ...

...

...

...

...

...



三爵醞法不輸五龍

六言排律一首

江南樂

亞字城西沽酒桃花塢頭放船春城處處啼鳥寒食  
家家禁烟榜柁飄來羅帶累羅拋却珠鈿么童攝客  
施粉姹女當鑪數錢隙日金鱗擁釣柔風玉鬣岳鞭  
五陵俠客空老何似閭門少年

舟州山人四部稿卷之三十二

舟州山人四部稿卷之三十三

吳郡王世貞元之天著

詩部

七言律九十五首

憶昔三首

憶昔 文皇三出邊六龍飛雨淨胡烟天門直向陰  
山關北斗翻從南極懸鐵馬春饑填瀚海金人秋祭  
失祁連只今何處無廉李野哭荒村幾歲年

其二

盛世君臣不易逢泰陵松柏感遺踪朝清轉自饒封

舟州山人稿 卷之三十三 世經堂刻



事歲稔兼聞罷上供白簡五侯時跼躄青編三老日  
從容苑西今日旦千門地輦踞恩稀草色濃

其三

更憶南巡漢武皇樓船車馬鬱相望輕裘鄴杜張公  
子挾瑟邯鄲呂氏倡秋淨旌旗營細柳夜深烽火獵  
長楊孤臣尚有遺弓淚不見當時折檻郎

應試夜泊貞女廟示一二友

南來夜泊貞女廟有客一二時相通孤蓬倚樹鳥驚  
宿白露濕衣人在空遙憐故鄉共明月獨有游子知  
寒風何事長安渾不見無數浮雲北望中

其二

貞女廟頭鼓鼗鼗忽驚游客歸夢中扁舟一葉天上  
下茅屋數間水西東傷心南國釣鱸地矯首上林征  
鴈風莫恠殷勤惜杯酒試問愁城誰爲攻

賞石榴花有感

客邸高眠只無賴忽見花發強開筵錦窠銀子尚未  
結赤萼青枝虛可憐東風不吹春老矣零露初滴朝  
嫣然何年安石送汝至不種朝元高閣邊

登西山

亂削芙蓉碧靄攢千盤轉盡自成寒清秋殿閣空中



見落日旌旂樹杪看北眺浮雲生大鹵東迴紫氣抱  
長安向來弓劍曾游地萬壑松風度急湍

元日早朝

九霄魚鑰下層關炬火俄分豹尾班宮闕香浮吹淡  
蕩液池冰合鎖潏潏充儀未展含元殿獻壽遙傳萬  
歲山敢道去天身尺五侍臣猶自望龍顏

夏日同僚友游崔都尉山莊分韻

尺五高臨杜曲天況逢三伏勝游偏夾堤楊柳涼全  
得出水芙蓉曉故鮮南國烟波開檻外西山風雨落  
尊前誰家暗度秦臺引回首朱門月可憐

天寧寺同謝山人茂秦章行人景南李比部于

鱗餞李伯承明府分韻得花字

長安三月芳意賒習習柔風黃鳥斜春社虎溪能遠  
送暮雲鳧鳥未堪遮城闌倦借支公馬江路吟逢潘  
令花去住卽看同幻跡向來離合不須嗟

送汝康柳州再徙徵江

汝游桂嶺疑天盡更入滇方覺地寬明月江帆懸萬  
里瘴雲山樹鬱千盤莫將詩句題蠻府自有威儀識  
漢官橘柚秋風今實否高飛鴻鴈滿長安

送陳子兼遷水部治通州河



親捧除書出未央  
薊門秋色滿奚囊  
亦有故人山吏部  
張選曹君居然新例水曹郎  
河流雨挾十艘上  
關輔雲連萬雉翔  
為道陽春誰和者  
于今粉署少輝光

寄陳子兼提學

寒食江風黃鳥斜  
故人蓬髮各天涯  
巴中父老相如諭  
峽裏星河博望槎  
劔閣夢懸千里月  
錦城人醉四時花  
獨憐方朔長安米  
西望經年尺素賒

送潘青州之信陽兵備

使者黃金出漢京  
共看潘岳賦西征  
滿青劔履花間發  
淮蔡旌旗雪後迎  
自昔單車消衆壘  
于今千騎擁

連城中朝文武如君少莫使人傳治郡名

送葉子漢赴成都令葉頗能詩

明時經術鬢雙華  
西去啼猿萬里賒  
此際巴人無訟芋  
向來僊令只栽花  
挂帆峽裏逢春雪  
濯錦沙邊弄晚霞  
一自文翁能教授  
至今揚馬擅名家

書庚戌秋事

傳聞胡馬塞函中  
候火甘泉極望同  
風雨雕戈秋入塞  
宣大兵雲霄玉几畫還宮  
上自西苑書生自抱終軍憤  
國士誰譏魏絳功  
北望蒼然天一色  
漢家高碣倚寒空



匈奴萬騎縱西山天險誰當百二關今日安危任邊  
將異時恩澤滿朝班烏邊白骨那能辨馬首紅粧若  
個還冗散書生空哽咽捷書誰為破愁顏

其三

漢朝宮樹自蒼蒼萬馬風生紫塞長是處烽烟欺太  
白幾家關月恨流黃千金劔客辭軍壘三殿兵符下  
窻皇解道雲中飛將在露書何以慰明光

大同仇帥入援

其四

長陵松柏氣成龍極望蒼然憶漢封繁木西來是符  
拔扶桑東盡見艤鯨旌旗夜灑千烽偃正帛春看萬  
國從七萃貔貅今不乏坐驕胡騎出居庸

過鞏華城

今皇御蹕曾經此雉蝶龍蟠控上都住氣迥從陵樹  
發白雲迴望漢宮鋪千金徙俠東填塞三輔地刑比  
備胡涕淚棘門諸將士城頭月出有啼鳥

時有兵戍焉

送張比部募兵山西

九月連烽愁太陰徵兵六傳漢臣臨軍中蕩子隨都  
尉塞上孤兒備羽林豹帳雲鈴揮白羽虎符星檄散  
黃金自來三晉多豪傑投筆知君萬里心



送孫郎中守承天

五馬憑陵紫氣中，方城南冠楚天雄。  
成周百葉稱江漢，先帝千秋憶沛豐。  
將爲股肱仍見召，卽論湯沐竟誰同。  
蘭臺宋玉母煩對父老，時時歌大風。

其二

漢江西望接荆門，紫馬春看孫使君。  
今日帝鄉私雨露，向時龍跡護風雲。  
橋門玉砌鑿輿下，中貴銀璫御座分。  
何事南陽不可問，古來強項幾人聞。

冬夕諸君見過談及江南梅花因有作次焉

臘日諸賢何水部，草堂時過數烹茶。  
西山樹老惟看

雪南國梅驕已著花，玉笛美人吹不盡。瑤臺僊侶夢還賒，疇能一醉羅浮約。扶杖行吟江月斜。

送申職方左遷萊州推官

向來綈几在明光，誰借前籌計朔方。  
黃石一編天子傳，青雲尺檄尚書郎。  
功名絳灌無同列，馳騁淄澠豈異鄉。  
東望不須疑屐氣，橐中長缺九秋霜。

送瞿師道太史使大梁周府

長安草色上鳴珂，繁吹春調四牡歌。  
太史投圭開赤社，宗藩如帶指黃河。  
天邊漢節蛟龍擾，雪後梁園鴻鴈多。  
上客知君頰授簡，鄒枚詞賦未應過。



送元子益太史使饒州 淮府

彭蠡波濤齊雪餘僊槎春度錦帆舒淮王上客能詞賦漢使甘泉奉璽書伯父爾宜仍胙土東南今復盛簪裾經行倘上康山望 高帝雄圖在石渠

送胡子文太史使荊州 遼府

江漢諸姬近 帝鄉方城紫氣鬱相望寧因剪葉勞周史不為包茅問楚疆作賦雄風連七澤行舟積雪滿三湘上林簪筆應相待留滯何須念子長

送朱象玄太史使武昌 楚府

詔從冠冕際南天君去湖波正森然此日包茅供歲朔異時瓊樹悵風烟張筵樂奏魚龍曲對客文成鸚鵡篇歸郡前驅逢負弩青雲初過陸機年

送張益甫給事使懷慶 鄭府

覃懷名勝肅風烟僊使軺車春草前山抱虎牢看作礪樹蟠狐嶺若從天歌風不獨思商俗為命今應繼鄭賢歸道霜驅應便發建章霄几正籌邊

送毛檢討起貶雲南幕僚得鷄字

庚戌秋變檢討以言事得召對其謫也頗因之

乾坤慘淡干戈裏封事終軍拭淚題苑道夜乘中貴



馬關頭朝聽逐臣鷄盤江瘴暖桐花發黔嶺雲深鴨  
鳩迷魑魅如逢休代答賜環應有漢宮泥

寄李新喻伯承

近傳陶令詩仍作父老懸蒲並息機山色巧當公府  
坐瀑聲晴向捲簾飛憑將鴈字論南北說着蛾眉易  
是非燕市酣歌殘雪裏江城或已授春衣

送馮郎中守廣州

承明初厭漢臣班開府霜清瘴裏山炎荒齒革街艦  
集橫海旌旗列戍閒天闊羊城秋鴈少月明鮫浦夜  
珠還試問貪泉誰更酌不妨駐馬嗽潺湲

奉謁

長陵敬志鄙感

長陵松栢似龍蟠象緯高垂列漢官萬里乾坤留劍  
鳥百年豐鎬見衣冠只今南粵虛傳譯聞道西羌未  
解鞍文帝威靈終在眼秋風霜露不勝寒

月夜宿弘慈寺聽講

夜堂趺坐轉三車倦向僧廚乞施茶露淨珠光翻貝  
葉月寒金色湧蓮花憑看有相吾何染聽說無生路  
未賒莫謂常明須震旦金篦已許導恒沙

寒日游天寧寺

衝寒此日城西寺酌茗看山興未涯塔外風傳羣帝



樂林間雪是講壇花聞鐘客散催疲馬施食僧歸起  
倦鴉幙被祇應忘說去夜深還聽演三車

送黃侍御按雲南時方有用師之警

客有乘驄白玉羈從天六傳下諸夷昆池水習三千  
艦益部霜驅五月師飛檄春農歸耒耜停車夜壘散  
旌旗甘泉實已垂南顧尺羽能令奏計遲

送包大中之滄州運鹽幕

杯酒河梁朔思嚴太行飛雪擁高幃市中結客誰青  
眼幕下爲郎舊紫髯醉墨誤題雲母扇雕盤初薦水  
晶鹽知君故有籌邊策三府何年辟孝廉

包善書畫

送陸伯子還吳

中原文字半蒿萊入洛人傳伯仲才白髮向催猶著  
賦黃金揮罷獨登臺愁時天地啣杯盡病後烟霞拂  
袖來試聽商聲綠畫角蘋花一夜滿江隈

答汝思郎中蜀中書

蜀鴈書裁隔歲看爲言相憶勸加餐秋登劔閣天逾  
峻春至幽州日尚寒末路逢人投壁少中年結客斷  
金難射洪花底誰堪醉西望行吟思未闌

春夜卽席分贈得梁公實拈韻詩字

十年嶺海著沉思今見爲郎執戟時白日看鴻還坐



嘯青天捫虱對談詩世途汝已關心少國士吾真折  
節遲一醉虛堂春月色投珠或恐未堪疑

與于鱗諸子卽席分賦得懷太湖陰字

具區南浸女牛臨萬頃滄波千尺深雨霽虹橋秋灩  
灩天低鼠窟書陰陰吳王列宴烏棲曲越文明粧鼓  
柁吟客醉向誇湖上樂一從金馬便浮沉

送坐主王檢討先生之南司成四首

詔分僊履下蓬萊詞客俱稱建業才天闊星文秋劍  
動江寒月色夜珠來百年高議歸孤筆六代雄風滿  
鳳臺 聖世只今誰似者甘泉實恐問鄒枚

其二

帝城春思入薜蘿僊禁衣冠擁客途十載青藜懸秘  
閣諸生絳帳滿留都風迴來石濤聲壯日上鍾山海  
色孤爲問羣公居守事向來根本一愁無

其三

戎衣高帝定神州卜洛橋門見冕旒三老鳩筇分御  
席諸儒虎幄進經筵宮袍手賜霞同爛天語親傳日  
竝流太學明師今不忝白雲弓劍 孝陵秋

其四

青春賦就侍承明花底鸚鵡醉玉笙夜靜紫微催草



詔秋高太白坐論兵閣中承相曾投履海內文章共  
識名南去玄經堪比易獨憐京邑滯侯生

寄許邦才

許君國士也雅予相慕未接顏色忽投械見  
遺頰極輸寫賦此聊見耿耿耳

南北聲名祇共憐乾坤容髮尚茫然出爲小草官仍  
拙歸去長楊賦更傳春至雲青華不注秋來雨白汶  
陽田飄零古劍真誰識遙夜寒光向斗邊

呈司寇山陰何公

天下名家有鳳毛中朝國士贈虔刀青齊什二飛書

下淮海千帆轉餉勞相事哀衣還日月主恩舟楫遠  
風濤何煩更藉王生語廷尉賢聲久漢曹

送徐僉事理閩中屯政

朔方諸將出祁連宇內軍儲異往年誰念屯田虛粵  
嶺卽勤搜粟下閩天行車秔稻排雲集開府旌旗截  
海懸豈是故人長待詔薄游還愧水衡錢

和梁公實暮春感懷

長安春盡萬花稀拍馬愁隨俠少歸時裏香烟晴不  
斷回中雪色晝長飛時危歲月無行止勢定風塵有  
是非吾道僅堪存執戟故人今擬薜蘿衣



韋園同于鱗子與子相各賦

千樹飛花覆客杯百年晴日此池臺  
鈞簾蛺蝶攜香去浴渚鳧鷖散錦來  
醉後看人成偃蹇歸時促騎故徘徊  
長安北望黃塵裏擊劍高歌未乏才

其二

歷歷垂楊青幾圍娟娟宿鷺白雙飛  
坐驚遠岫停杯出行惜殘花插帽歸  
四海未妨吾輩在孤亭僅與世人違  
誰爲忽唱江南樂回首烟霞未拂衣

其三

薊苑春歸處處幽陸沉吾黨任遨遊  
長楸碧帶千峯雨密蒼靄百道流  
西望風雲雙鳳闕北來天地一漁舟  
科頭箕踞尋常事細酌高吟且未休

送嚴太史請急省侍

罷直晴烟散曉珂君王侍從賜衣多  
高堂喜極千金壽故苑恩深六傳過  
到日夏雲明震澤來時朔雪滿潭池  
柏梁何限詞臣手歸蜀長卿待和歌

過通州城庚戌秋大虜北入家君力禦却之因

增築焉

日落盧龍秋色哀連城百雉此雄哉  
中原地割烽烟近北斗天迴王氣開  
淮海帆檣飛餉集期門金鼓射



分州山人卷之三十一  
十一  
世經堂  
生來向看睥睨曾胡馬今日誰論保障才

和合驛

十年塵暗薊門樓萬里風來漢使舟  
桂席晝移橫海日鳴橈秋蕩大河流  
孤城奏角黃雲合遠戍逢砧白鴈愁  
吾道豈應長躑躅乾坤此去有滄州

合郡兵起有感

平生五嶽意相親圖裏天台指避秦  
豈謂乾坤歸戰鬪遂令湖海入風塵  
時平不獨輕前輩難起初聞遣大臣  
回首國恩環珮裏百年誰見請纓人

過徐詠懷古蹟

芒碭雲深千堞愁長城脉絕萬年籌  
英雄盡起無亡鹿富貴歸來有沐猴  
大澤龍蛇春竝聞中天日月晚雙流  
寧知過沛親留飲屠販何人總徹侯

游吳江橋

吳江長橋天下稀七十二星煙霏霏  
橋上酒胡青帘肆橋邊浣女白苧衣  
桃花水漲月初偃蓮葉雨晴虹欲飛  
北客風塵初極目倚闌秋色澹忘歸

醉題書齋二首

東書斗酒安吾齋西風爲掃當門柴  
卽寒薜衣能護几未貧苔錢欲上階  
一丁世自饒紫綬二酉吾敢勞



青鞋已無故人車馬跡賴有明月時投懷

其二

蹉跎顏駟不敢陳寂寂鄧禹行  
咲人酒龍千秋吐氣色文豹  
萬里甘沈淪圖經山海紉為袖  
客館華陽樵作薪丈夫頭顱可知矣  
胡不歸把滄江綸

天津劉憲使汎舟夜酌

軍府嚴城闢向西帥厨清醕為誰攜  
中流鼓吹潮聲合落日電鼉海色低  
絕塞羽書頻自警長安封事幾堪題  
相逢慷慨俱揮淚徙倚星河夜欲迷

有感

臥覺應徐積漸稀起當蛛志偶相依  
此曹往往皆虜立我輩時時但肉飛  
調隔雲烟雙過眼事違天地一沾衣  
名山儘可藏書在潦倒風塵未擬歸

春夕同于鱗子與訪公實時公實在告將歸嶺

南分韻聲字

春暮和烟滿鳳城茂陵詞客病金莖  
燈前古劍迴霜色杯外殘花入雨聲  
盡許寸心傾國士卽論千載失時名  
越南燕北天何限濁酒狂歌意未平

送宋望之侍御按河東

東馬誰臨禹甸看埋輪使者下長安  
天扶底柱黃河



折地轉神池白雪寒異日軍須監英議當時諫草惠  
文冠卽看宵旰明光裏慷慨毋論直道難

送狄行人使蜀藩

隱隱寒星度永安迢迢節使下金鑿錦江新水迎船  
發石棧浮雲騎馬看桐葉舊餘周典禮蠶叢爭識漢  
衣冠壯游詞賦應歸汝對酒毋歌蜀道難

周歲祀 孝烈皇后陵朝辭有作

昨歲茲辰奉國艱共驚霏雪點鴉班六宮猶望迴僊  
馭中禁爭傳慘聖顏此際金鈿歸別島早時玉盃悶  
南山欲知天上淒涼景日暮祠園松柏間

雪後朝天宮習儀

玄宮雪後淨芳埃環珮千門曙色來僊仗不隨青帝  
改瑤城疑逐化人開龍鱗映日層層合鳳斨驚風片  
片迴聞道漢祠先奏瑞豈應梁苑復論才

久旱微雨復霽

初熱乍減陰霏霏喜劇便拚呼醉歸千峯忽展雨脚  
瘦雙耳暫停雷信稀碧樹五陵愁氣色紅塵九陌故  
翻飛踈簾小簾渾何恨遮莫回家秋事微

送陳二刑部出守彰德

自愛陳家好弟兄昆季方才調更無倫舊看冰蘖能持



法新着金緋穩稱身鄴水樓臺橫繞晉太行關樹遠  
浮秦登臨會有塞惟思河上風流見古人

齋日子相考功投詩見懷且擬郊游之約有答  
齋居初坐日斜時樹色餘霜春較遲豈謂持衡青鬢  
客翛然更憶白雲司人間得句名甘晚海內論文心  
自知君問垂鞭芳草意五原車馬未堪追

休沐偶成自嘲

都門柳稀寒食煙十日自枕春風眠喜啄烏鵲故相  
惱怯飛梨花翻劇顛已多拮据長吏罵未敢造次承  
郎筵詩篇積漸有滿卷可否東家充酒錢

其二

問汝剋促何所圖馬曹懶否能支吾北枝南鳥意殊  
左長缺短歌秋轉孤欲呼愚公未白髮擬作醉士無  
青蚨汝道桂冠亦易爾五見咸陽春草枯

凌汝成工部自南來見過小酌喜贈

三年祿食素心違忽漫相逢思欲飛醖酒且謀今日  
醉盤食聊當故鄉歸天昏紫塞連戎馬日落黃河閃  
鐵衣世事不堪頰向說僊曹留省似君稀

同于鱗子與夜過子相

紛紛殘月照歌冠酒醜狂催姝未闌銀鑰夜馳街色



動玉繩秋散羽聲寒乾坤自就輕爲別湖海談深欲  
廢官調咲吾從方朔後陸沉人豈歲星看

立秋夕與謝山人孫徐李吳四比部登宣武城  
樓共得秋字

客有相過選勝游西山爽氣滿城頭尊前白破雙鴻  
暝笛裏黃催一葉秋萬戶清砧新夜色六宮團扇故  
年愁登高幸不逢搖落逃暑仍驚暑乍收

贈按察張使君鐸

君時佐征南之役 上特召任以北邊事

南師幕府奏龍韜飛傳遙驚渡不毛日淨五溪迴組  
練月明三輔泣弓刀軍前結客黃金盡城上看烽太  
白高君去封留帷幄裏鳳池應許重揮毫

弘慈寺薄暮登藏經閣

雨霽祇林步屨新上方臺殿鬱嶙峋諸天入暝原無  
相雙樹凌空不受塵清磬忽傳迷後旨慧燈誰引幻  
中身微官宿障如堪脫長以齋心禮化人

分賦得六宮秋月怨拈韻得紈字

金井梧桐露未乾臥看斜月在雲端空懸秦帝江心  
鏡祇竝班姬掌上紈笙鶴自穿花底度璧壺孤映淚  
痕殘由來天闕霓裳冷不信人間有合歡



送汝成工部還留都

曳履方陪閭闔班勞歌更擬及秋還乾坤歲計安危  
裏伯仲天涯去住間明月鴈聲連薊苑寒雲旌色滿  
鐘山停舟借問鳴珂宅樽酒黃花未破顏

初抵京承子與攜汪魏二君夜過分韻得江字

此夕逢君倒玉缸千門月色迥臨窻隔年杯酒心猶  
壯近眼篇章意未降北去鼓鼙填瀚海南來旌甲滿  
滄江欲論後會誰能數愁殺寒鐘更幾撞

送史僉事兵備邠涇

史君大司馬道子時方與虜開馬市

汝過崆峒劍色開輕裘千騎擁登臺旄頭夜向黃河  
出汗血秋從西極來置陣自傳司馬法折衝真有臥  
龍才只今燕代論攻守沙海風生畫角哀

寄梁公實時病告南海

汝病矯矯不可馴予游圉圉常依人羅浮不盡古今  
色大庾長先天地春落日萬里各異態明月三秋時  
一輪已聞鳳歌失自料况乃鴻斷轉傷神

迴龍觀

玄都飛閣倚崇牖天子當年駐六龍岸柳春嬌宮  
女學巖松秋憶大夫封烟花萬戶垂宸極雲物諸陵  
拱帝峯處處離宮俱望幸不堪衰草入邊容



送蔡子木守衡州

少年爲郡肅清脩京洛相攜賦壯游一去蔡邕誰倒  
屣可堪王粲獨登樓補天衡嶽層層碧遶郭湘江細  
細流莫向秋風悲日遠長沙今得比中州

喜吳山人過訪村居

出塞吹笳馬上聽蘄原春草又凋零相逢門巷淹今  
雨垂老江湖混歲星醉後放歌雙眼白愁時拂袖萬  
山青何當謝却人間累五兩追攜下洞庭

寄吳舍人明卿

憶爾含香供奉班書題臘日到江關颯颯詩句雲霄

裏落落吾儕天地間別思孤琴臨大澤生涯雙屐滿

青山漢宮秋湛僊人掌沆瀣文園好自攀

送饒兵憲遷湖廣參政

牙旗金鼓殷如雷行省旋移楚甸開大海秋濤公檄  
靜湘江春雪錦帆來塞帷地盡歸鴻色搔筆人驚鳥咏  
鷗才臨發佩刀還解贈知君名已動三台

寄子與

至後今年雪未勻江南梅柳劇含春  
下食猶關  
世僅有篇章肯向人滄海漁竿容獨把白雲華省更  
誰親聞君日逐荆湘飲擊筑長歌漸隱淪



月夜陸秀才之來莫山人擴見訪分韻得看字  
娟娟孤月起林端剝啄何人雉子歡幸有文章公輩  
在向來車馬世途看雲容白破千家曉海氣青回萬  
井寒醉裏疎狂吾故態莫將杯酒問衣冠

履善比部歸自嶺右賦此問之

聞君八月下牂牁銅柱天荒使者過桂嶺風來秋色  
早盤江木合瘴烟多夷童夾道誇柳酒蠻女穿花出  
權歌向識子雲奇字擅近來詞賦更如何

送詹簿家兄之南京

十載公車疏上遲始分鸞掖置留司鍾山月向鴻邊  
出瓜步帆從樹杪移過省春雲停縱酒開簾秋色映  
彈碁殷勤好就吳都賦江表如今問左思

送周憲副之雲南

主恩君已三持節益部聲名異日傳漢署共瞻驄馬  
使夷荒今上白狼篇嚴旌畫指昆明日憲府秋開越  
雋天好見折衝尊姐上近來南北竝風烟

寄皇甫子循別駕

十載寒星漢署孤一麾秋興滿江湖堦前結草成書  
帶閣裏看山是畫圖未論折腰羞從事曾因倒屣識  
潛夫殷勤去鴈如相訪已逐高陽舊酒徒



答黃山人

少日曾聞叔度賢過逢窮巷更蕭然揮毫秀自雲霞  
發禔褐名從海嶽懸此道直論千載後微才肯任衆  
人前酣歌意氣頻開眼冠蓋長按太可憐

弇州山人四部稿卷之三十四

吳郡王世貞元美著



詩部

七言律九十四首

癸丑元日有感

薊苑聞鐘謁帝闕火城遙散五雲間魚龍自集甘泉  
館鵷鵠仍虛紫殿班萬里瞻依空使節十年朝請隔  
天顏只今醉逐田翁社問爾曾攜酒還

寄侍郎朱公二律

公卿大理時某為之屬有國士之遇

楚天南望鹿門開急榜眠鷗總未猜大澤春雲懷璞

弇州山人四部稿卷之三十四

世貞著



卧高江寒月弄珠迴風塵厚祿多慚色泉石清時有  
異才豈為王生曾結襪漢庭爭問釋之來

其二

薊門車馬競斜暉投効何人早息機十載春陰留棘  
寺九秋兵色避荷衣別來天地論心濶自昔雲霄握  
手稀憑向武陵貽玉案芳波或恐漲漁磯

游虞山拂水巖

厲後憑車思轉豪側身吟望鬢重搔風巖書激諸天  
雨陰壑寒生萬樹濤行逐漁樵馴野計卧看江海入  
秋毫維摩近有招提在蘇晉如今醉欲逃

其二

鬱盤蒼翠有千株絕頂肩攜輿自扶天關陟岨如擁  
劔風迴飛瀑盡含珠山僧偈向巢間發湖妓粧從鏡  
裏鋪逢勝便思雲卧穩未須投暝問樵夫

張通政字清周比部濟叔沈進士子善餞予岷

山有作

共攜尊酒上崔嵬婁水秋滌匹練迴萬井夕陽看自  
歛九峰雲色坐頻來披襟嘯逐天風落倚巖狂鷺河  
手將歸何所贈諸君應有大夫才

登金山



山秋木葉翠將收  
憇棹扶攜到上頭  
天柱中懸南北  
影海門西拒古今  
流層雲錫響空王坐  
落月珠明帝  
女游便欲休  
餐旬日住千帆  
風色使人愁

其二

青螺激灩水晶盤  
斗削風烟面面看  
地湧樓臺千蜃  
結天迴波浪六鰲蟠  
山形自挾秋雲壯  
海色遙將曙  
日寒恍忽龍宮吟  
嘯起何人玉笛倚欄干

師道太史蕪直外制賦此寄之

十載揚雄賦已竒  
始來西掖拜恩時  
銅扉夜色宣麻  
早閣道春陰視草  
遲賜沐不言  
溫室樹栽篇  
空憶上林枝  
山東父老須臾在  
漢詔還應下赤墀

寄雲鵠抑之二給事

薊苑朝回朔思催  
故人相見且銜杯  
持螯一醉星杓  
轉竝馬千門雪色來  
賜對實前  
明主席為郎  
虛有大夫才  
誰憐淮水蕪天湧  
望斷黃金舊築臺

寄贈楊仲芳武選

當時爾拜尚書郎  
天子宵衣問朔方  
一疏中興迴  
日月百年恩  
謹薄風霜宛  
城晝閉名王馬  
漢壁晨馳  
大將牀  
突兀黃金秋色裏  
復看前箸借明光

維揚遇吳明卿舍人汎舟夜酌



簪筆晨辭出 帝都相逢白雪滿長途當年別思堪  
今古此夕狂歌更有無隋苑鵲聲翻禁柳印溝月色  
破平蕪酒闌忽憶山中客擊筑歎歎調轉孤

雨中同思伯明卿登蕪城閣

堤上高樓逼絳河蕪城秋色擁嵯峨天低雉堞窓中  
起雨扶帆檣鏡裏過別後踟躕佳會少狂來跌宕衆  
人多不堪西北憑闌望欲指浮雲一嘯歌

題子相芙蓉館

汝築玄亭倚釣磯磯邊菡萏劇芬馥窺簾箇箇紅粧  
出鷺榜雙雙翠羽飛明月波翻吳女曲西風涼入楚  
臣衣石湖花發應無限遲晚兵戈畫鷁稀

其二

倚郭澄波香氣浮芙蓉花滿大堤頭雲間嶽墜僊人  
掌海外風來太乙舟近檻碧筒堪自醉誰家白苧起  
中流接離予亦能顛倒天末蘋霜動遠愁

奉和郡丞任侯海上之作

天擁鯨鯢賈怒奔地當牛女正妖氛千村燐發遙疑  
燒疊島烽來上屬雲鼓角長橫吳郡邑樓船光置漢  
將軍知公羽扇能揮敵樽俎何人竝策勛

再贈任侯



天外帆檣截海來只今誰是伏波才  
惟中借箸星頻轉鷓首鳴弓月乍開  
戰後脩期裁露布名成褒德上  
雲臺蒿萊盡起褰帷色詞客何須賦七哀

九日風阻鄭家口

野戍秋高鼓角哀蕭蕭木葉走黃埃  
橫驅濁浪蛟龍鬪復掩深林虎豹來  
短髮霜風欺落帽異鄉天地畏  
登臺祇應諸季茱萸酒妬殺黃花傍汝開

逢劉衛輝談守事甚苦遂作

斗酒相逢大道傍故人黃綬羨為郎  
褰帷夜踏朝歌月負弩晨驅牧野霜  
逢迎整折顏常赤案牘支離鬢  
易蒼子滯漢廷無所効敢同長孺薄淮揚

贈尹生

當年結客度居延一騎曾驚虜陳穿七首長寒燕市  
雨旄頭不斷薊門煙青春射策當三殿黃石傳書定  
幾篇自是驃姚新領部單于秋祭莫臨邊

其二

入朝初着鷄鷄冠白馬雕弧夾道看  
久見中原傾劇孟薰聞少府識任安  
枝頭楊葉飛星過匣裏蓮花映  
日寒間逐孤兒春草獵獨身西去斬樓蘭

寒夜同順甫過子與適于鱗書到



斗酒相過薊苑不高臺雲後問來鴻  
蒼茫客思看人盡  
潦落書題握手同不獨數名多抱恨  
即論刀筆幾稱雄  
春看易水登車日  
誰為悲歌起大風

送吳韜之浙閩

吳由運帥遷

向來軍事早知名  
淮海雲帆指帝京  
燕卒盡饒都護餉  
越人爭下伏波營  
路博德也時有越寇警故云  
晨趨幕府衣冠集  
秋擁牙旌組練明  
况是征南能跨札  
幾人儒將有干城

送陳郎中汝忠督學山西

當時諫草動長安  
回首風塵行路難  
郎署祗憐青瑣闥  
使車還擁絳帷看  
河汾雪淨諸生候  
并代風迴萬馬寒  
知爾論文多暇日  
欲飛長檄下呼韓

秋日病中書懷

散帙高秋病骨清  
科頭聊復罷將迎  
眠過半壁絲絲影  
坐數空林葉葉聲  
末路行藏難任性  
中年哀樂易關情  
東鄰判負黃花約  
酒債朝來頗漸輕

寄袁荊州丈蕪問周水部

儋昌

汝逐何遜沱江邊  
百花芳洲生紫烟  
春風露冕失千載  
郢雪高歌橫一天  
平生酒徒衆所厭  
散入海宇名俱傳  
倘問為郎楊執戟  
又隨車馬競新年



答茂秦

黃河春草白茫茫驛使封題粲幾行  
爭問劇辛來自趙頗傳枚乘老游梁  
淮南客賦雲為樹漢署鴻歸月似霜  
莫笑故人甘宦拙豈容卿秩卧長楊

送從子汝欽儀部齋壘書旌魯王

汶水風來錦席張春濤雪後淼茫茫  
梁園客躡三千履漢詔侯齋十九章  
坐有談天來碣石游題飛霓賦靈光  
獨憐癡叔羈棲晚周易床頭業已荒

訪茂秦有感茂秦時與李順德有隙索書不得  
上客梁園賦轉工相逢忽憶帝城東  
停杯句就乾

坤別回首人憐道路同每飯豈能忘  
鉅鹿尺書虛已問冥鴻亦知彼地張  
陳跡悵望千秋灑淚中

送黃郎中守撫郡

仍辭漢闥剖符年露冕停輝散楚天  
推案濤聲靈谷雨捲簾秋色五峰烟  
人稱內史惟康樂汝去徵書定潁川  
一自西曹違玉樹誰能不誦暮雲篇

送劉子成兵備貴州

劉繇潮陽令入刑部郎改職方嘗以虜至守  
北關又築外城

憶昨爽鳩初徙署共誇才氣世無雙  
曾令萬馬迴長



嘯更築三城擬受降明月獨懸黔嶺節白雲高擁洞  
庭纓誰為同舍題詩侶愁對飛花倒玉缸

其二

看君燕頷必騰騫百越諸夷總漢天此去兵符銅虎  
授向來文字鯁魚傳山連貴竹星常少地入盤江雨  
自偏聞道懸軍猶楚甸兩階今是舞千年

同諸君餞子成悵然有感益予以前歲是月使  
歸

杯酒當年倚玉鞍故人歌餞各萑蘭吳洲暮鬱青萍  
色郢里春停白雪寒海內旌旗愁不斷道傍車馬態  
相看何當符傳翻驅汝縱有雄心此際難

送王尚寶冊封徽藩

華省聲名接上台幾論天笑近臣開三王賜策魚親  
定九殿頒符自捧來人似淮南多道術地鄰梁苑集  
英才知君舊擅靈光賦席右無煩授簡催

送子與祀康陵

佳城葱鬱鎖楸梧武帝神游定有無金榜星辰千  
逼翠旗風雨萬靈趨俱傳駿足留瑤海亦有龍髯  
鼎湖此日詞臣空灑淚獻陵春望已模糊

暮春同茂秦子與順甫正叔游韋園分韻得村



字

習習東風幽鳥翻偶成春服試春原高低綠槿斜分  
戶遠近清流細遶村地入漁樵身暫許客逢湖海道  
偏尊誰為一叩荆卿筑醉裏悲歌動薊門

其二

韋曲三月陰綠繁席帽胡床山寺門螭首雲扶雙菡  
萏龍鱗日綉孤松根蒼鷹決翼暝烟破白鷗掠魚春  
水渾建章傳鑰聽轉迫猶指梨花尋別村

寄汝康

時自柳州守  
遷河東運

十年南北盡風埃多難均輸始見推總為陸沉饒宦  
跡或應趨走後時才河排禹岸天文動雪擁猗鄉地  
利開聞道柳州成晉問幾時還附鴈書來

送徐給事歸省

薊苑離尊黃鳥飛僊郎行思在庭闈書未姑茂春雲  
遠 詔下承明夕宿稀焚草尚傳三殿疏看花應試  
五時衣更憐青瑣街恩侶回首風塵有是非

送李侍御遷江西憲

時按山  
西還

曾飛片檄下呼韓大漠風雲指掌看攬轡秋高三晉  
色掛帆天入九江寒清朝尚鬱囊中草祖道猶鷲柱  
後冠東望斗邊多戰氣幾時書記向長安



送陳僉事視廣西學

春風萬里鬱林西，客有乘驄使者衣。  
桂嶺雲生天欲盡，藤江霜落瘴全稀。  
詩題粵館逢梅發，書就湘帆與鴈違。  
左氏諸生今受易，看君絳帳已光輝。

得陳子蕪楚中書寄

憶醉高陽舊酒樓，共傳驚坐有陳侯。  
別來心事憑誰盡，亂後年光可更留。  
明月高帆湘浦夜，白雲西省薊門秋。  
丁寧數問南來翼，尺牘人間總愛收。

答子相

錦字遙飛北極翰，故人相聚惜彈冠。  
天留一劍蕪城紫，月擁雙珠甌社寒。  
客裏流年人自保，里中高調俗相看。  
知君愛息扶搖力，海內兵戈會面難。

蔡子木憲使來自蜀，與吳明卿偕會子與第分

韻清字

淡烟初月滿高城，露掌秋溥御氣清。  
蜀道容顏疑夢寐，薊門尊酒盡平生。  
仍勞北海憐狂癖，總為中郎愛論衡。  
麈尾不須頻奮擲，吾儕元豈近時名。

病甚懷于鱗却寄

蕭條殘日鎖青蘿，寒入楓林夢乍迴。  
吾已河山甘付骨，汝從天地更論才。  
途窮萬事輕相讓，意盡千秋莽



自哀藥餌漸扶雙眼在未煩驚策素車來

職方張子畏募兵還詩問予病奉答無識鄙感  
使者初停擁傳驅病夫長罷府中趨天高羽檄歸何  
晚露漉金莖渴未蘇南國戰驕齊擊技東方饑讓漢  
侏儒孤吟更愛題詩訪強起猶驚策杖扶

懷于鱗

燕京歲晚競鳴珂郢雪春來幾和歌尚有乾坤容汝  
在空留日月向人過雲橫大麓低平野天坼飛流墮  
濁河滿目黃金饒漢吏千秋屈宋自堪多

懷子與

秋風鼓棹大河濱醉裏悲歌若有神豈為聲名容跋  
扈漸留心事向沉淪霜明顧渚梅花發潮滿施溪月  
色新處處風光堪自媚卽論誰是眼中人

懷公實

漢關歌似伯鸞稀五嶺霜天獨振衣題竹醉憑篔簹  
去斲苓晴荷短鏡歸人間大藥無今古海上黃金有  
是非爲問別來何所道知他戰勝久能肥

旅思

閭闔門前塵滿空不堪烟樹落江東高秋夢斷金莖  
露永夜愁聞玉杵風萬里沙頭誰釣艇幾人天際共



歸鴻書空咄嗒悲殷浩蠻語鈞斬效郝隆

雨中

門前泥深沒馬腓主人懶病長掩扉屯雲遠岫暗歸  
眼帶雨西風欺薄衣牆柳依依矯弄色庭華濫濫怯  
餘暉離騷置手不能讀腸斷江南知是非

懷子相

淮海風烟阻釣緡關河水雪滯征輪高齋病起探新  
曆屈指春來有故人海內望塵元未少道傍聽曲竟  
誰真十年何地同心語莫遣浮沉負此身

懷順甫

歲晏蕭條病髮踈春風回首歎離居魚目煩倒屣迎王  
粲敢有微名比魏舒縱酒誰同燕市筑尋源或伴武  
陵漁重來抱玉無多恨嶽色千秋起著書

懷伯承

翩翩佳句滿詞林別恨龍池芳草深萬里風波垂失  
所十年岐路畏論心題詩曉破天門色把釣春生雷  
澤陰莫以時名相問訊竭來金馬漸浮沉

歲暮答吳明卿

喧喧車騎滿長安落落吾儕握手難歲暮風光容汝  
共天涯心事仗誰看瀟邊雪淨西山曉馬首雲生北



海寒自是陽春無和者朱絃莫易向人彈

過明卿分韻歸字

獵獵西風吹客衣空庭繫馬待斜暉久拚高興緣君  
發無那清尊與病違海內聲名雙睥睨郢中歌調一  
翻飛何須稚子投車轄屈指交游未忍歸

贈鄭老還趙

握手悲歌薦濁醪別離人世幾吾曹行邊落日潭沱  
壯醉裏談天碣石高千乘風雲仍白壁百年湖海自  
綿袍茂陵詞賦空相待枚叔王門可重勞

春日試筆

今年正月晴明甚嫩嫩青門楊柳枝逗遙殘雪已無  
賴偃蹇和烟故不遲莫遣春光欺旅病儘容風物媚  
吾詩陌頭何限芳菲意馬首論心知是誰

明卿子相夜過

折簡憑過散寂寞漢宮華月綺春宵青雲坐向論心  
失白雪歌容攘臂驕五子中原天未厭千秋吾道日  
相要城鐘漸送棲鳥起冠蓋長安總自饒

喜許殿卿至

初聞五馬倦行春辭趙游燕逐酒人白壁邯鄲空偃  
蹇黃金碣石自嶙峋風塵治郡功名薄海嶽論交意



氣新一為李生懸榻後放歌須汝破吾羶

答于鱗

伏枕悲吟夜未闌使君書到問加餐青春偃蹇新豐色紫氣憑陵大陸寒自守扶風經術進數逢句踐酒人看拂衣躍馬男兒事回首乾坤去住難

送劉庫部使雲中取道還楚省侍

海內聲名會自難俄聞擁傳出長安輶車易水悲歌發七首劉生意氣看代馬春驕青草色楚天晴望白雲寒只今前箸明光少莫向僊源問淼漫

贈張翁

翁少嘗師事呂先生子都諫君思靜遷蜀叅政歸壽

清朝詞客幾簪裾令子承恩在石渠中歲看傳劉氏業少年親受伏生書雲凝太華蓮花發露擢高盤御掌舒但使秦天能戲綵無勞蜀道重迴車

送張孝豐

臨岐握手意如何燕市尊前惜易過別後故人明月共相遺茂宰白雲多江城早熟米菰米卧閣春深繡薜蘿聞道此中堪嘯咏不妨源外有兵戈

送朱象玄之南司成二首



漢宮晨散履聲遲江左文章太學師御氣迴分龍虎  
宅僊臺高憶鳳皇池春雲列第烏衣滿夜雨諸生絳  
帳窺同舍總驚匡鼎至說詩猶自解人頤

其二

聞君獨厭承明廬起草誰堪自石渠高坐舊看鷲五  
鹿講堂新復兆三魚惚前散帙鍾山色署裏含香漢  
客裾應是兩都增氣象班揚詞賦幾人如

明卿子相過飲談數有感

不惜頻邀醉玉壺狂來擊缶競烏烏巴歛和雪心難  
下碣石談天思轉孤入夜星辰元不沒異時河嶽遍

相扶西京七貴俱堪數肯向唐生問有無

哭舍姪汝欽儀部

翫髀衣冠遲日月頡頏京邑走風烟曼容汝官五百  
石武子吾家三十年鄉地祇憂戎馬在使星猶傍女  
牛懸如何握手成今古岐路人間倍可憐

有感

伏枕風塵懶未除側身天地氣難舒兵戈漸緩菟裘  
計將帥空傳馬服書孤憤長年思五嶽獨醒何日問  
三閭冥冥鴻鵠搶榆少飽翼搏空恣所如

病起偶成



野夫耽病春慵起日日高眠病不愁頗恠風光頻見  
役即慚詩句未全酬穿花蛺蝶輸生事入荇儵魚足  
壯游白石青精吾自取不知何地有丹丘

贈王元肅參軍

陸沉金馬愛微官何事東方有客難老去形骸仍土  
木向來趨走白衣冠名流北海開尊集爽氣西山拄  
笏看戚里朱絃誰見問還將白雪向君彈

其二

水邊新築類禪居麈尾玄言頗湛如相示右軍脩禊  
帖未成中散絕交書馬曹了不關公事狗監何煩薦

子虛便欲圖君立壑裏故園烽火更躊躇

故憲僉彭公嘗蒞秋省廼孫端朝更踐其地賦

此紀之

署裏魚傳玉樹高一麾湖海倦旌旄來華族稱鳩  
氏爭道名家有鳳毛北斗春雲聽舊履白雲秋色滿  
僊曹亦知元凱多御裔為擬新詞比佩刀

送金允孚之河南藩幕

彈劍西游亦壯哉幕中虛左待君來紫薇開省前朝  
事白首夷門異日才隘地河流京索擁接天秋色具  
茨迴更知多為鬢叅喜騎馬時登右吹臺



寄熊守元乘

向來尊俎失談兵保障論功有重輕別詔相遺橫海  
節何人不畏伏波名神鉦浪挾鯨鯢徒飛檄霜驅虎  
豹驚攜李欲酬鳴越甲蒼梧今問獲嘉城

答陸汝陳

朝來請急鑪頭眠安得尺書置我前中原未渡鴻鴈  
道滄海故發龍蛇顛可憐國事寄肉食欲飲山人微  
酒錢躍馬乘風去何限胡為盜賊俱殘年

寄袁魯望

異時樽酒足平生白眼俱誇無世情自別風塵河朔  
飲誰歌雨雪薊門行論心客路空車馬屈指流年過  
甲兵賦就河東應有達憐余早晚厭承明

王新甫叅議由南粵入賀餞別張氏園有作

獨來萬里蒼梧使桂蠹明珠總未齎北極宵衣金鑑  
展西園秋讌玉繩低相悲歲月淹詞賦一別乾坤入  
鼓輦循吏故應君獨擅野夫名姓豈堪齊

汝成由越臬入賀還治過訪乃兄雲鵠府丞

又驚飛傳出長安把酒毋歌行路難竹馬正趨群稚  
約檐帷特徹萬人看乍盤鷓鴣天風峻欲偃鯨鯢海  
色寒難弟倘過京北界賢兄已許惠文冠



秋思

旅病經時思轉慵  
篝燈伏枕亂愁攻  
天涯歲月終衰  
鳳海內文章有似龍  
結客千秋誰竟許  
尋僊五嶽定  
難逢唯餘尺寸尊  
鱸地遙夜寒雲擁  
戰烽

送吳比部崧使淮揚

王子節迴桐栢雨  
徐生帆揭廣陵濤  
即論使事無千古  
念汝詩名失二豪  
天入斗牛雄劔動  
地懸戎馬尺書勞  
臨岐意氣為予飲  
貰酒新豐宮錦袍

七夕張園遇雨與子相明卿肖甫德甫各賦

七月七日雷雨惡  
穿蘿坼磴沾人衣  
即妨河鼓綵難  
渡欲挽僊槎高未歸  
海內風塵余轉拙  
人間岐路會  
仍稀歌長酒醒不知曙  
驟有空林鳥鵲飛

寄張通政

十年高枕寄松蘿  
天地風塵緩頰過  
吳下青山雙屐  
滿雪中明月片帆多  
清秋殺氣迴長嘯  
遲暮生涯起  
浩歌一自挂冠神武後  
薊門霜色有銅駝

送張侍御按應天

舊識埋輪都下亭  
新看直指破青冥  
金陵亦是  
先皇地玉節仍分漢使星  
朱桁路從飛馭關  
白門人為避駝停  
憑高倘有張衡思  
兩賦應傳薊北聽



冬夜同莫膳部張戶曹蔡衡州謝山人過吳比

部分韻得重字

高城積雪禁烟重  
駐馬勞君設夜供  
江左文章爭嘯  
玉座中談笑盡  
雕龍同心競結  
逢時帶如意  
長驕醉  
後鋒最是興來  
那可敗五更愁  
聽未央鐘

立春日詩呈王新甫先是新甫夢與予分韻得

香字

帝城佳氣近青陽  
臘月流澌出建章  
邸第樓臺爭動  
色掖垣花樹暗  
迴香妖姬自寫  
青繒幟公子親  
除擊鞠場  
欲向陽春聽一曲  
故將幽夢屬僊郎

妻叔李六丈下第秋時始歸賦此為別因悵然也

高城落木奏寒砧  
醉後殷勤離思深  
不去非關上林  
樹將歸實有廣陵  
琴霜秋塞外兵  
戈色歲暮天涯  
兒女心便欲聯飛  
時振羽因耽薄祿  
未投簪

答寄王提學新甫

寒帷花滿鬱林枝  
尺素春題鴈到遲  
山逼璇霄誇獨  
秀山名江涵壁月號  
相思江名夷荒繁木  
唐蒙頌日暮蒼  
梧虞帝祠比邑  
諸生多駿發  
祇應聯袂讀君辭

除夕示弟



寒燈煜煜不忍眠吾與汝曹俱長年汝當勤苦去宿  
態吾尚淹留虛奉錢過限白駒愁未挽離人黃鵠夢  
相牽何時得見翻飛後上苑椒花取次傳

初夏長日睡起

郊酒初消午睡勻悞他期會任教嗔偶緣隙日偷無  
事已笑頻年擲此身霽雨黃鸝偏睨睨條風紅葉太  
精神欲將春色間商略春去衡門有隔旬

同省中諸君過徐丈

詞客真同河朔游主人偏解孟公留高城雨過涼生  
席殘夜花明月滿樓紫玉行杯彈出塞紅牙摧拍按  
伊州更憐少日間門侶菱葉芙蓉湖上舟

送顧水部監荊州稅

僊郎使節出燕臺直向荆門萬里開賈舶春隨巴雪  
下塞鴻秋共嶽雲迴南州竹箭人稱美少府金錢日  
更催便酌貪泉知不變期君還有濟川才

祈雪齋居次峻伯寅長韻

畫省森沈坐掩門齋心應自遠塵氛僊郎曲調裁春  
雪武帝祠壇禮白雲天濶苑鍾空外度夜寒宮漏夢  
中分栢梁何限豐年頌今日瓊瑤祗報君

孟冬晦日夜寢得句云天寒北極仍充使日落



黃河未穩流及後二語醒不復全記因足成之  
馬箠頻年客 帝州茂陵心折問刀頭天寒北極仍  
充使日落黃河未穩流笛裏龍吟金井夜砧前寒度  
玉關秋深闥幾恨青娥月燕領西來已拜侯

舟州山人四部稿卷之三十五

吳郡王世貞元美著

詩部

七言律九十六首

送張肖甫徵金嶺西道便道還蜀

薊門擐甲待胡烽海內軍須不自供赤羽去看新使  
者黃金歸隸大司農界標銅柱天垂盡人過蒼梧瘴  
幾重聞道壯游仍衣錦春來車馬醉臨邛

其二

沽酒斜陽雙玉餅佩刀寒色映都亭相論白雪無先



後一別青春有醉醒南去風烟仍泯泯北來天地漸  
冥冥即看十道衣冠使回首何人哭漢庭

于鱗貽詩見懷云上計非遠率爾志喜

美人贈我珊瑚鈞十五方城趙璧愁睥睨雄風生鹿  
野縱橫藝苑割鴻溝白虹寒貫中原日赤幟高懸天  
鹵秋豈謂吾曹能氣象稍聞車馬發邢州

秋日登毘盧閣

上方臺殿白雲深處處旃檀有布金法座噓烟盤寶  
樹香池浴日滿祇林憑欄一氣河山合振鐸諸天帝  
釋臨搖落登高吾不恨已從初地變塵心

于鱗至分韻得鳴字

把酒千門朔思生太行高雪照天京道傍燕石畫俱  
隕匣裏并刀風自鳴遂有群靈開黯淡即看五馬墮  
崢嶸相違歲月無勞數屈指人間幾大名

又得水字

自擬僊舟問李膺濤聲寒壓九河水愀然嘯日思雄  
劔忽爾垂天至大鵬過客傳書成詛楚客方傳于鱗  
絕謝榛書  
逢予頌酒尚如澠請看寂寞華陽館海內何人存代  
興

除夜于鱗明卿子與見集分韻得齊字



辛盤栢酒故人携醉裏無愁白日低歲序風塵俱自  
失吾曹天地豈堪齊吟探萬象春誰在把照千門夜  
不迷詰旦如聞周太史何來雲物 帝城西

明卿席上贈別于鱗分韻

疊鼓鳴笳出薊門停驂回首視中原病餘丘壑吾仍  
在別後風塵爾更尊豈為衣冠成落魄向來詞賦失  
銷魂何人泣對陵陽石車馬紛紛未可論

被命省獄畿郡有述

春草翩翩使者軒高從北極俯中原寧勞繡斧誇二  
輔自有金鷄下九關卓轉普天思禹泣網開何地屈  
湯恩僅知刀筆文無害敢向清朝借不寬

子相席上別諸子分韻

醉爾春風金屈卮忽看山嶽坐來移停鞭欲盡幽州  
色立馬愁聽出塞辭我自青雲甘薄宦誰當白雪問  
相思向來天地耽烽火搔首人間未可期

香山晚眺

千峰擁黛出憑欄涿鹿蒼蒼指掌看落日徐收天地  
色飛泉不斷古今寒坐來清梵彌三界行盡丹梯隱  
百盤便欲舍身從此住漢家車馬動長安

宿香山寺



白雲深鎖上方幽躡屐無勞問惠休竹裏布金千月  
至松間鳴玉片泉流談經石聽蟾蜍轉卓錫天迴罔  
象愁坐久忽驚心地淨向來西竺在南州

李兵使秦邀游密雲城樓

麗譙高擁白雲愁多暇相携此壯游萬馬春齊新制  
府千山日靜古檀州河邊亭士投醪足幕裏論兵借  
箸籌君自大夫諳故事却從王粲問登樓

高司農趙憲使共游崆峒山二首

並馬崆峒天地懸薊門樓堞漸蒼然千峰北斷祁連  
色萬井東迴碣石烟倚杖白雲窺檻外振衣明月墜  
松巔頻誇尺堠無烽火屈指單于出塞年

其二

搔首狂吟破渺茫坐當雲色據胡床風迴鼓吹填哀  
壑日擁旌旗颭大荒息甲晝閒都尉府飛芻春滿度  
文章毋輕北望投杯意使者長纓請未央

于鱗還郡後未有遷命賦此寄之

揮手東風滿客裾薊門青草立踟躕何讒季布仍爲  
守未病虞卿好著書別去雲霄摧翫醜愁來天地借  
吹噓還應濟上千秋月已照邢州五馬車

盤山



恒嶽投荒杳不廻 帝令盤嶺鎮燕臺層巒不盡青  
天去亂瀑雄爭大壑來共指丹梯安薜荔還扶蠟屐  
破苔苔銀河只在微茫裏欲取寒杓作酒杯

其二

千盤歷盡更茫然回首中原暝色前峽轉琳宮藏漢  
月峰排紫劔插胡天雲根檜坼龍鱗起磴道泉歸玉  
乳懸深夜不須驚鼓吹看予箕坐嘯風烟

漁陽道中有懷子相考功却寄

回首招提擁傳初北風吹盡故人裾燕京裘馬安危  
外薊苑關河戰伐餘聞道酒狂緣病減也應詩態畏  
名除袖簪漸入山公計中散翻慚有絕書

過故張職方有贈

春風使者出長楊斗酒相過夜未央爾自歸來愁醉  
尉誰將名姓問降王絲綸不盡青雲偃魚獵頻輸白  
日長聞道普天猶戰鬪可能無意向明光

贈薊州周都督

當年突騎滿漁陽幕府寧空赤白囊一自軍容開細  
柳能令烽色避長楊揮鞭坐畫樓煩地鳴鏑遙飛瀚  
海霜馬上鏡歌平虜日好翻新曲顧周郎

答茂秦



世經堂刻  
渾河雪色捲飛濤未往雙魚尺素勞大國可能忘醴  
酒故人猶自感綈袍虛名歲月容詩捐薄祿風塵倚  
醉逃莫問薊門驅傳事不如湖海卧能高

贈別陳信可比部使閩便道還吳時兩地俱有  
島寇之警

馬首春星雙玉珂五陵花發柰君何俱稱使者  
朝天去獨有樓船駕海過野戍烽烟諸粵滿人家雨  
色八閩多歸逢父老無相難好請長纒繫尉佗

土木驛

夜色蕭蕭條鐵騎重會驚烽火散千峰蛾眉苦不歌黃  
鵠魚服愁仍困白龍地濶金甌元浩蕩天迴玉塔  
從容因揮二晉千秋淚于石真成勒景鍾

鷄鳴山響水舖

金文靖北征記唐文皇征遼駐蹕此山鷄鳴  
故云成祖北征亦駐此

峽壁沙平莽蒼迴唐文東討此登臺旌旗尚閃千巖  
日鼓角猶驅萬壑雷龍起風雲寬自護鷄鳴天地劃  
初開六飛重見中興主不數燕然一將才

度居庸關

北走胡空萬馬群窳然山勢擁氤氳層關不閉中原



日絕壁長留太古雲地脉誰憐秦內史天驕應辟李  
將軍千盤轉見媯川水遙夜悲笳未可聞

其二

七陵佳氣鬱葱茏睥睨寒烽北極開車轉天門通箭  
括水排坤軸建餅來書生絕質無中策大將犁庭有  
異才胡馬莫移青海帳漢家曾記白登臺

上谷督撫諸公脩諸邊有感

漢家車騎數移屯烽火何當慰至尊實有諸侯城  
上谷虛勞萬馬粟中原朝廷豈問于懸詠使者寧  
為鞅掌言北望王庭今咫尺國殤零落畏招魂

答李侍御

鳴笳落日氣蕭然睥睨胡天首重迴何地霜停驄馬  
色孤城春自帛書來層關歲月猶遺險大漠風塵未  
易才方畧故應饒起草建章宵几待君開

五月五日李侍御以詩見邀走筆有答

空堂卧起倦流鶯郢雪篇來始自驚競渡可應非我  
意獨醒還見古人情尊前續纒忘為客塞上探符有  
辟兵聞道侍臣偏賜扇憐君白羽滯孤城

與朱憲懋學夜訪保安沈子鍊有作

結駟翩翩過酒徒何妨犢鼻對當鑪荒城燧色生春



晚野戍砧聲並月孤為問上書勞謁者那如結客取  
單于觸欄東墮長庚色猶自狂吟擊唾壺

塞外得李伯承比部見寄詩有感

薊門春草易臨岐回首風塵始自悲鴻雁書來明月  
戍故人吟罷白雲司曲中楊柳知相憶別後刀環未  
可期間道朱絃多悵望莫將流水受人疑

錄塞外歸夜宿城西遇子相有作

大漠風塵使者迴片虹秋色故人來高歌驟立荆卿  
髮萬事都深阮籍杯聞道江湖新逐客却論天地故  
憐才誇君並馬邢襄道彩筆參差太麓開

行部高陽遇河決不浸三板遂成二首

投馬虛疑捷石成射蛟或恐海神驚陸沈玄圃千峰  
細天倒黃河萬堞平漸老中原魚沸鬱欲歸南極虎  
縱橫濁醪誰是高陽侶遙夜窮愁白髮生

其二

急雨驕風萬穴穿古隄殘壘散秋烟雪山橫捲城闌  
入銀海高從樹杪懸將為漢年趨瓠子豈應吾世失  
采田天門欲叩驚真宰未許乘槎向斗邊

遇于鱗人云當上計臺使留為代報喜而有作

胡騶宛轉又朝天驛使遙將借寇傳漸有少年刀筆



近豈因三輔壘書偏石門相贈青山色太守秋題紫  
塞烟在昔詞人虛領郡當令揚馬愧先賢

過故人趙叅議飲時以病歸

當年紫馬去長安豈謂風塵早挂冠叢桂長誰明月  
夜據梧清枕白雲寒共思河朔諸賢飲還問平原十  
日驩我醉欲為歌伏櫪忍令如意碎琅玕

揮光世過于鱗邢州見懷出示有答

使者邢襄擁傳遲遙從玉樹寄相思省中華月秋誰  
在曲裏高山晚自疑豈謂中原仍握手又從吾世見  
論詩憐君北走幽州道易水浮雲片片垂

秋日過于鱗郡齋分賦十二體得河字

飛傳霜橫九塞戈為君風雨又滹沱相憐白壁燕關  
盡未有黃金漢詔過坐客尊醪初北海郡人經術似  
西河不知清羽頻移調蕭颯城頭落木多

于鱗邀登郡樓分韻得秋字

使君杯酒一登樓倚檻蕭條木葉愁不盡天風吹大  
陸何來嶽色滿邢州匣中星動雙龍夜柝裏寒生萬  
馬秋為問郡曹諸記室幾人能並李膺游

其二 得雲字

迴轉丹梯入斗文岩堯飛閣頰氤氳尊前樹裊漳河



色檻外鷓盤大鹵雲矯首風塵驅混合撫膺天地劃  
中分狂來被髮歌相和清角人間未可聞

送盧次楸游建康因謁故濬令陸君陸嘗出次

楸獄

虛左侯生未可呼短裘仍脫酒家胡自矜然諾青雲  
少不盡衣冠紫氣孤垂老中原迷抱玉故人滄海問  
街珠石頭高並燕臺起詞客何當誦兩都

月夜發大名謝茂秦顧季狂追會衛河舟中作  
月擁層城萬堞開天垂極浦片帆來如霞獨賞長康  
語似練還鷲謝眺才拂袖中原堪落拓曳裾公等重  
徘徊亦知為俠輕分手明夜誰同酒一杯

喜于鱗視關中學因寄二首

側目其如鄴下名談經仍貴濟南生天迴太華風前  
色地坼黃河雨後聲遂有壘書高北斗欲令詞筆重  
西京毋論王貢彈冠事即使漁樵氣亦平

其二

矯首邢襄秋色迴大河雄劍莽風雷人龍自起中原  
卧天馬爭從西極來所至儀封應為請重過關尹未  
須猜塞帷落日僊人掌好寄芙蓉露一杯

送徐汝思叅議之山東



金州山人雜著卷之三  
散帙明燈至故人焚魚酌醴坐相親未論開府諸侯  
貴且數游燕萬事新說劍寒星高北斗塞帷春雪滿  
東秦憐子莫歎薪從積留得朝來爨下身

通州署中雜興四首

潞城高望白雲翔濁酒殘花興未央總道除書同逐  
客何妨抱案且為郎鬼神元自饒宣室魑魅那曾止  
瘴鄉散地陸沈無不可于今孤匣捲秋霜

其二

隱隱鳴笳萬木秋聊從騁望一登樓野夫獨坐且青  
眼何物窮途能白頭睥睨西山寒塞色帆檣北斗挂  
河流誰言尺五瞻天處極目浮雲迥自愁

其三

似聞天地厭縱橫幕府秋閒白羽聲一嘯玉關迴萬  
馬長驅滄海失千鯨清時豈少安危計薄祿誰論去  
就名好買吳船春水發向來農圃未須輕

其四

踈風故裊挑燈坐落月猶窺擁被吟不謂文章真貴  
汝自緣容鬢轉關心千秋未肯隨揚馬五嶽那能訪  
向禽稍待著書辭祿後細分殘日與叢林

答兵憲汪丈伯陽

君時以却  
虜功不錄



春風粉署並含香  
矯首秦天散渺茫  
乍有雙魚論故  
舊始知千騎領東方  
功成介子恩元薄  
書就虞卿去  
不妨我自拂衣秋色裏  
期君可在五湖傍

寄子與

荒城濁酒駐寒驂  
霜老楓林萬木酣  
薄宦詩名空海內  
故人秋興滿江南  
書來破塚仍無恙  
別後袂衣轉不堪  
肯道草玄偏寂寞  
看君他日勝桓譚

獨酌

孤城轍跡自來稀  
濁酒青燈暫掩扉  
敢謂雲霄他日異  
豈應風雨故人非  
時名且助潘生拙  
宦業誰憐卮  
比微回首東山俱  
小草可堪蘿薜問初衣

夢明卿棄官歸醒而有寄

夢爾秋風出豫章  
還如陶令赴柴桑  
折腰手板青雲外  
回首巾車大道傍  
自是江湖新氣象  
豈令辭賦獨輝光  
覺來孤枕山城裏  
愁望吳雲萬里翔

被青州命後得伯承寄詩率爾有答

立馬寒雲擁塞廵  
蕭條西望一鴻來  
故人青玉吟為案  
上國黃金別起臺  
海岱長懸開府色  
風塵倘許佩刀才  
知君豈少高陽侶  
被髮狂歌轉自哀

送汪丈伯陽兵憲謝病歸



幕中談策擬穰苴可向明時賦卜居卧病白雲生劔  
履歸來秋色滿琴書自言司馬游多倦無那原思憊  
不如他日相逢花裏醉知君弟子有籃輿

其二

關府秋霜祭戟新能令萬馬肅駢虎頭班氏非難  
相龍性嵇生未易馴還向五胡論日月自因千古厭  
風塵拂衣吾更慚吾語倘許珊瑚並釣綸

赴青任晚行滄州道中

喔喔荒雞啼不休城頭擊鼓導鳴騶自憐岐路幾時  
盡即厭衣簪何處投舉目風雲還一哂寒帷星斗忽  
群流何人為致新豐酒賸有詩篇緩客愁

立春前一日過戶汝漁副使飲

東走齊河水雪開鬱葱佳氣近樓臺相逢鴈向尊前  
盡敢道春從使者來落日千門過鴈色黃雲一騎按  
鷗迴知君且住袁絲里陸博酣歌未易才

丁巳春余以青景朝 衡王賜宴殿中大雪有

述

使者朝逢玉樹留 君王設醴殿東頭鱗鱗積素分  
鴛鴦片片飛花點翠裘上客無慚梁苑苑對何人不羨  
雪宮游醜顏緩傍雕欄出欲唱陽春自寡酬



發青州兵有感

聞道司空初奏凱似傳 天子又推輪人間白羽兵  
符峻海上黃金劔氣新待發臨淄七萬戶橫行即墨  
五千人不知誰是封侯骨矯首中原涕淚頻

真珠泉宴賞

嘉泉靈沼向齊稱百道清涼地底騰炯炯驪珠迴夜  
色盈盈鮫淚奪秋澄初疑碧漢翻金粟忽憶明河寫  
玉繩最是沾恩歌湛露賜來尊酒又如澗

泉亭春夜汎舟

離宮疊島象瀛洲飛蓋仍追鄴下游樹裏晴雲迷畫  
舫城邊春月吐朱樓鯨鬚漸隱千年石龍首新疏九  
折流莫恠仲宣先辟席諸君賦豈減應劉

贈殿卿遷德相

塵尾群賢客薊門還容許掾擅清言如何三輔憑熊  
軾却向諸侯乞兔園傲吏白雲眠海岱新詩秋色滿  
中原無疑席右頻推簡自是相如賦最尊

春夜飲李伯華少卿

今夕何夕春風前銀燈照醉炯不眠牙籤縱橫十萬  
卷肉譜上下三千年曲中白雪調誰和屏裏青山神  
與傳為數名園竒木石不知若個讓平泉



還過李伯華里不及訪

駐馬春城落日斜  
城闔恰近子雲家  
寧因刺史開三徑  
敢向中郎乞五車  
入坐登龍應自許  
過門題鳳欲誰誇  
何時更接懸河口  
好借寒波漱齒牙

張大久不調戲惱之

憐君日日探除目  
不見長安柰爾何  
齊客祇知緣木易  
漢家元自積薪多  
飛花歲月淹高枕  
濁酒風塵起浩歌  
聞道板輿堪就養  
莫將潘賦怨蹉跎

答黃文選德兆

漢京冠蓋自如虹  
高枕青山道未窮  
一吐雄談傾稷下  
數成新語附齊東  
科頭偃蹇天風合  
倚杖蒼茫岱色空  
徃徃中興名士傳  
知君江夏舊黃童

其二

曾辭藻鑑卧烟霞  
桃李青春尚自花  
四海衣冠新啟事  
百年書卷舊生涯  
歌風乍許吳人識  
和雪誰將郢調誇  
聞道里中多載酒  
倘容玄草付侯芭

讀大復先生詩因遺其甥袁將軍

舍人罷視西京草  
寂寞空城付野蒿  
海上虛憐驃褭骨  
人間尚有鳳凰毛  
河盤砥柱千流轉  
天入中原二曜高  
聞道將軍成宅相  
不妨詩卷屬弓橐



萊州道中與汝思望海有作

携君躍馬最高峰，海色蒼然盡漢封。  
落日層波明玳瑁，青天孤嶼削芙蓉。  
洲邊大核僊人種，浦外靈槎使者逢。  
指看白雲殊夭矯，不知何事但從龍。

送張彰德入為兵部郎

張普為慶吉士御史

回首埋輪哭漢墀，主恩愈重賜環時。  
漳流不入長沙遠，宣室何煩賈傅悲。  
中秘舊傳黃石法，入朝新拜縉雲司。  
留君待對紆三表，莫恠單于繫組遲。

喜吳峻伯來視山東學寄

清朝詞客白雲司，不減風流鄴下時。  
一別瑤琴長自掩，經年尺素轉相思。  
除書曉動燕山色，握手秋迴太嶽姿。  
為道黃金酬汗血，敢將青鏡悔蛾眉。

其二

為報故人吳季子，壘書何日下山東。  
天門瑤草春相待，海上僊槎夜擬同。  
過魯好傳周室禮，入齊還問太公風。  
欲知郎舍期君意，孤劍時時但吐虹。

提兵安東海上大閱二首

親提千騎向東方，劍客材官盡束裝。  
桃葉初銜珠勒馬，梨花半吐綠沈槍。  
拍天濤擁軍聲合，駕海雲扶陣色揚。  
莫笑書生無燕頤，斗來金印出明光。



其二

虛聞淮海鬪長鯨十二關河迥不驚  
鳴柝夜傳千竈火建牙朝列五家兵  
城邊星斗崢嶸出馬首風雲指顧生  
不似南征諸將帥羽書時共橐縱橫

袁將軍邀飲蓬萊閣和汝思作

懸梯閣道倚蓬萊地盡天空鴻鴈迴  
日似海人珠捧出山疑秦帝策驅來  
千秋未假徐生藥六月長留袁紹杯  
為問異時陵陸改始知塵世有僊才

送馬太史封衡藩還朝

初見從天六傳臨為開青社剖黃金  
齊風未敢誇東海漢使能無誦上林  
把袂千家生岱色談詩孤月破城陰  
故人還有如澠酒翹首雲霄不可尋

賊退後答黃德兆先生談兵

淮海帆檣破浪舒幾家新月怨離居  
綠林自是無殊相黃石今逢有秘書  
屈指風塵榮寵後側身天地戰爭餘  
知君早晚吟梁甫抱膝誰堪問草廬

送周郎中守大同

誰言春色漢關窮漢使乘春有畫熊  
為問馮唐淹省署何如魏尚守雲中  
嚴城月靜千烽出嘯閣風迴萬馬空  
保障自來明主意不須長劔掃崆峒



送吳博士為齊藩相地還朝

十二關河氣鬱芊誰將漢節御風烟  
自來玄鳥能司正况復青鳥與秘傳  
彌海車旂雲夢對如天鐘鼓雪宮懸  
何當又厭王門醴欲向螭頭報有年

答張仲舉

即初于

十年曾識鳳凰毛回首風烟夢寐勞  
書到關河雙玉案賦成湖海一綵袍  
握中明月誰相貴曲裏青山且自高  
聞道漢廷推仲蔚莫令秋思滿蓬蒿

馬太史負圖過園亭作

梁園脩竹賦誰傳總為相如席更前  
萬里關河秋月共十年湖海歲星偏  
吟蟬露葉時孤抱坐鵲風枝忽對懸  
來往深杯應莫拒舊游回首各茫然

博興止宿即景

下博城空生晚烟黃茅白葦秋茫然  
魚鷹獵水貪不定鴈奴踐更窮可憐  
豈無西郊乾走馬亦有東陂寬放船  
醉人眼鼻拔軒冕耐可杖頭挑百錢

即事

文皇卜鼎古燕中三見明堂象魏崇  
禳火新開屬玉觀祠釐別起甘泉宮  
楚江雲擁千章下蜀嶺天排萬樹空  
未論峇堯迴北斗即防搖曳動秋風



其二

未央雙闕尚逶迤誰誦班生賦裏辭今日天心懸北極  
向來民力盡西垂通侯績幣貧難薦少府黃金橫不支  
擬助曼容殊薄祿將從卜式鮮高貲

春日間居雜懷十首

據梧空館暫婆娑回首殘花夢寐過末路逃名吾計晚  
青春逐客故人多詩篇不獨疑冠蓋燧色猶聞隱薜蘿  
去就只今無一可漸令華髮怨蹉跎

其二

十載諸賢待法垣一麾東海更街恩亦知丞相多開

閣無那書生畏掃門歲暮風雲備有態春迴天地竟何言  
饒他坐客輸文舉自挿繁花傍酒尊

其三

開府春來乞五湖壘書舟楫寄深圖誰依日月裁龍袞  
獨向星霜握虎符軍事祇憑雙鬢識主憂還借一身扶  
那堪欲下揚彪淚矯首青雲阮籍途

其四

有弟經年客薊城愁看棣萼劇縱橫艱危漸往書難盡  
涕淚仍枯意未平自惜空言終付汝莫令他事亦如兄  
漢家循吏黃金貴牢落儒林誤此生



其五

推案空庭意悄然，偶緣行飮向花前。  
雲門午色來高坐，海國春寒攪獨眠。  
千石已慚過，兩奉二毛應惜到。  
潘年縱因踈誕妨，知已惆悵何人為守玄。

其六

漢省委蛇白玉琚，即看高議主恩虛。  
何人北海憐精衛，有客東門類爰居。  
事往交游工變態，時平偶語畏詩書。  
亦知身世俱萍梗，泛泛江湖恣所如。

其七

紫氣函關客過迎，誰堪起舞應鷄鳴。  
千年泰華東西色，萬里江河日夜聲。  
自是文章生翫髀，豈容吾輩聚崢嶸。  
尤憐奉使還徐幹，金馬何心老帝京。

其八

閩嶠除書問莫悲，豫章遷客正相思。  
但令懷壁俱堪罪，何用投珠始見疑。  
天外風流名士盡，鄴中星散舊游知。  
祇緣吾在能株累，漁海樵山並所之。

其九

故人相慰檄書稀，又見徵兵解越圍。  
敢向東方誇賜履，可因南國賦無衣。  
家家砧杵鳴春月，處處戈船繫夕暉。  
聞道封侯須捷手，羽林生長自輕肥。



其十

小石踈筠興未闌坐携詩卷對盤桓折腰吾道差無  
恙銷骨人言轉自寬張華敢傳廷尉業阮生寧戀步  
兵官吳門萬頃滄浪在好傍深林選釣竿

弇州山人四部稿卷之三十五

弇州山人四部稿卷之三十六

吳郡王世貞元美著

詩部

七言律九十一首

奉答于鱗四首

浮雲幽鳥訟庭間賦就懷人且自刪病後青山添傲  
骨書來落日破愁顏微名漸損終難盡薄祿猶耽未  
擬還豈若使君高擁傳能令春雪滿函關

其二

絳帳諸生侍馬融憐余投筆乍臨戎自來肝膽無離

弇州山人四部稿

卷之三十五

十一  
世貞元美著



合肯向衣冠數異同  
灝灝西京還漢日  
泱泱東海更齊風  
男兒姓字羞文苑  
矯首狂歌萬古空

其三

馬首楊花吹暮春  
鴻邊尺素迥傷神  
飛揚跋扈當年事  
歷落崎嶇我輩人  
不佞淄澠中自解  
卽論涇渭向誰伸  
煩君試看燕京態  
汲黯那能社稷臣

其四

聞道黃河尚倒行  
秦中車馬失崢嶸  
石鯨寒雨將無動  
銅雀條風可再鳴  
天地祇今安戰色  
故人何處傍詩名  
高秋倘過蓮花掌  
却憶蓬萊海日生

同徐汝思登雲門山作

芙蓉削立郡城西  
躡磴捫蘿徑欲迷  
忽有青天穿箭括  
初疑壁月挂瑤梯  
雲根半壓千峰小  
海氣遙吞萬堞低  
搔首狂歌吾不厭  
莫驚風雨妬新題

其二

十二齊封白鬱然  
盪胸秋色鎖層顛  
危崖日月時雙墮  
急雨蛟龍乍一穿  
鳥道白從杯底落  
薜衣青入鏡中懸  
誇君更有天門在  
策杖春寒萬壑烟

雪後登城樓

城抱寒譙從翠微  
雪留層暈玉鸞飛  
先風萬樹搖晴



色及暝千門破曙輝搔鬢青山吾並老決膺玄鴈未  
同歸如何賦手仍王粲倦向人間袒褐衣

送陸仲子之嘉善校官

陸仲子少負不羈之才宏博縱肆往往對客  
千言一揮珠璣錯落金石錚鏦雖素稱豪文  
童者口噤手奪莫敢支梧老復不第低眉選  
人楚衣蹇衛奔走冰雪於乎窮哉每酒語慷  
慨倘得一官王子必有文叙其抑塞磊落也  
予謝不敢亡何予出鎮淄青仲子乃司訓嘉  
善刀筆總總亡以伸諾矣因姑為詩一篇而

志其末

送君初釋芰荷裳雙鬢公車已白蒼雪後片帆過槁  
李春時三賦擬長楊青瓊故物行須惜絳帳談經卧  
不妨工瑟向來慚帝里五陵裘馬少年場

歲暮偶成

田日牽風未擬晴碧紗沾壓篆烟橫倦探書卷渾無  
味閒憶交游倍有情啁雪饑鳥時一下搏雲高鶴忽  
群嗚呼兒濁酒還須酌莫放人間百感生

聞家君蒙恩復御史大夫喜述

雙節遙傳下赤墀主恩誰分賜環時聲迴挿羽金



城在色動飛章玉几知自信星辰天北拱無論風雨  
日東垂向來庭訓唯精白肯為封侯請戒詩

除夜作

野夫痴坐獨何事屈指俄成三十三盤欲頌椒觴  
北戶當添梗憶江南流年漸舊真難挽萬事更新未  
擬諳入眼祇應雲日在可憐春色滯抽簪

題方子元煥西郭草堂

小徑茅堂負郭寬祇須題字便迴鞍牀頭賸有籠鵝  
帖篋裏能無註鵝冠卧壁龍蛇春欲動宿榻雲霧晝  
長寒知君愛寫狂夫句倘許淇園竹數竿

答贈谷明府嗣興

蚤聞垂索大江還謝病春深薜荔關豈為避仇之海  
上欲留題句滿人間樽前白苧空矜調鏡裏黃金可  
駐顏我亦元龍無客禮雲門碧樹許誰攀

春日同吳峻伯提學游雲門分韻得門字

莽蒼關城指掌論依微刻碣洗苔存千林雪盡俄全  
出一柱雲扶迥自尊歌罷君詩爭海色醉來吾履亂  
春痕吳山鹿豕交游在怕有藤蘿閉石門

人日逢春

勝花繒幟巧相宜栢酒條風拂座遲已遣王春新物



色重教人日起吾詩狂看天地誰容汝暖問水霜更  
幾時朋舊祇今零落盡匣中流水但堪疑

奉寄客部朱丈子价戲效其體

白門啼鳥雙垂楊主人讀書殊未央經霜柿葉已滿  
屋過雨薜荔將窺床十年清夢飛天姥幾度新詩走  
夜郎為聞青州使君態胡纓小馬綠沈槍

于鱗寄余登華諸篇走筆奉答

落日中原太華陰客携秋色獨登臨俄添嶽掌蓮峰  
峻忽入關頭紫氣深六著僊人邀對博三漿玉女醉  
還斟誰憐此地餘秦觀西望雙懸萬古心

送周侍御按督河中離政

列栢臺巖頰大河飛霜六月馭駘過中條對聳青蓮  
色砥柱平迴黑水波禹跡銘山誰並遠齊功煮海未  
堪多知君更有賢良議好在明光白玉珂

奉寄少司馬麻城劉公公繇山東遷某嘗備屬  
吏有知己之感云

採藥微金幾道看蕪逢飛檄募材官青燈夜濕封章  
兩白髮秋添露冕寒恩在閭閻深涕淚事新刀筆轉  
艱難欲知國士平生感齊缺商歌久罷彈

其二



鳳城山抱古時臺立馬徐瞻紫氣開東海暮雲吳地  
共大江春雪楚天來安危鎖鑰真煩寄轉戰樓船實  
未迴倘問平原門下客幾人元是處囊才

清明雨中過穆陵關

穆陵關頭峰削懸哀颺颺吹奔泉誰令冰雪暫成  
雨豈爲清明方禁烟桃花欲紅不肯應柳條即青猶  
未眠南人過此淚雙落耐可吳江十月天

過王烈婦祠祠有丘給事記

徑仄祠荒客倦看鄉人伏臘自衣冠踈篁秃栢晚何  
意伏雪淹霜春未寒尚有生芻堪薦玉豈因黃絹却  
迴鞍男兒七尺應無限矯首風塵萬事難

奉贈少司馬麻城劉公統京營兵二首

動色除書有大名楚材誰復並干城東征已盡諸侯  
履左袒仍將太尉兵萬馬停鞭迴夜嘯九關飛檄散  
秋聲由來建信多奇笑肯爲匈奴論舅甥

其二

壇成車轂帝親扶匣裏吳鉤玉轆轤待節盡監諸  
校尉請纓還繫五單于期門畫靜圍牙戟畫室秋嚴  
下虎符却憶華容舊司馬孝皇頻按九邊圖

兵後問訊華師學士山居



十年供奉避晨鷄西掖苔緣學士題青徑總輸桃李  
在碧山還妬鳳凰棲書成日月私巾履業盡乾坤厭  
鼓鼙聞道農耕諸稍復可無蘭蕙長春畦

夜登城東角樓和峻伯得樓字

橫吹春登百尺樓使君中宴解吳鉤離宮月送雙螭  
出極浦烟催萬雉收盡履青天垂大峴開尊碧海寫  
澗流虛為賦客悲非土何處風塵不壯游

得河中王丈憲副地震後書云未有出山之耗  
賦此促之

秦關晉峽莽拓衝地轉天摧妬禹蹤不改黃河噴雪  
霰猶存砥柱挿芙蓉中流歲晚迴鳴犢大壑春深起  
卧龍膝抱缶歌雖足戀請纓飛馭莫辭從

贈別俞丈汝成遷楚廉訪

別筵仍賦紫貂裘黃鶴摩天不可留雪後抗旌雲夢  
獵月明張樂洞庭游詩成自失巴人調宦就應寬楚  
客愁倘問故交留滯意周南或恐是青州

吳峻伯過蕪隱齋有作

隱囊紗帽竹間亭濁酒絃琴眼自青卷幔碧山堪入  
供窺簾黃鳥故要聽鑪香坐展來禽帖茗椀談過相  
鶴經時出古墨列為但道雲中家更好野夫今夜客



為星

徐少叅邀飲高里偕李張二憲使作

殘日輕雷挾亂岡使君高宴許誰狂振衣名字新東  
嶽回首旌旗滿少陽有客琴彈司馬墓何人樂憶鷓  
鴒鄉莫因杯酒論千古玉檢寒雲並北印

登岱六首

縹緲琳宮接上玄岩堯飛磴界蒼煙峰迴洞壑紛俱  
拱石坼松蘿裊自懸過雨雙龍爭玉峽擘雲孤鷺柱  
青天莫言仲寶無他技能誦相如最後篇

其二

翹首精神欲奮揚幾從開闔見陰陽千崖忽敞中原  
日六月長飛使者霜在昔鈞天青帝坐即今封地白  
雲鄉還應五嶽都游徧乞取安期火棗嘗

其三

軒轅皇帝有高臺鞭石千秋輦道開匹練天紫吳觀  
出金泥日射漢封回西盤瓠子河如帶東挂扶桑海  
一杯誰為登壇論王氣祇應塵世有僊才

其四

尚憶秦松帝蹕留至今風雨未全收天門倒寫銀河  
水日觀翻懸碧海流欲轉千盤迷積氣誰從九點辨



齊州人間處處襄城轍矯首蒼茫迥自愁

其五

僕衣吾欲卧天門中夜憑欄起自論半割乾坤懸對  
抱低垂星斗亂堪捫狂呼六博僊人著渴問三漿玉  
女盆未必騶生真海外唯應漢史有崑崙

其六

壁立芙蓉萬古看削成松檜隱高盤中峰翠壓徂徠  
色絕頂青收碣石寒梁甫吟成還自和茂陵書就欲  
誰干依微白馬吳閭在欲向秋風問羽翰

送衡府葉教授還吳

臨岐斗酒意躊躇可向王門再曳裾此去穆生寧爲  
醴由來馮客總無魚白雲叢桂從裁賦秋色丹楓好  
著書小艇太湖何限事野夫愁殺畫熊車

送王僉憲慎徵捧表入賀

奉使風雲擁傳車當秋海岱惜離居衣裳玉几竟天  
上刁斗金河漢月初典客可收三表疏侍臣誰誦九  
齡書何時大啟葡萄館萬歲稱觴樂有餘

送立叅政若孚捧表入賀

波臣東海暫相逢星使明河迥莫從共道爾時青瑣  
客可能猶記皂囊封更衣却入金華省罷酒還聽長



樂鐘聞說已懸新象魏千門車馬日從容

于鱗歸絕不見客而獨見余飲之酒又走使換  
餉絨褐予以吳絲答之而侑以詩

故人三徑新蓬蒿鴈門太守徒爾勞斗酒風塵白日  
薄械書海岱青天高念欲報之吳縞帶何以遺余秦  
復陶千秋衣被各何限世途徃徃稱綈袍

奉寄淮漕傅中丞三首

中丞鞭畫大江流計相權分少府籌共指星河出箕  
尾即看淮海淨旄頭量沙月轉千帆夜飛粟霜凌萬  
庚秋為問南征諸大將何人不讓漢蕭侯

其二

十年携賦奏西京曾覩山公故事名暫出雲霓同渴

望向來天地一澄清公為考功黜奸人殆盡衣裳再數東方會

公由山東遷舟楫今懸聖主情聞道鯨鯢殊未儻可能

身將伏波兵

其三

著書空自舞千年徙倚雲霄望轉懸歲晚陵陽依白  
壁月明燕市泣朱絃官微短削甘牛後興盡歸心托  
鴈前代馬亦知慚伯樂蕭條首宿五陵烟

奉題行省呂相公清和軒



湖上春陰已覆牆，軒開恰傍紫微堂。青天對寫冰壺色，玉井微添水簟涼。門外豈無中散駕，席間猶識令君香。那能不作吾廬擬，短恰深杯百遍狂。

念子相按部時，日令子與折腰也。亦愉快哉。因賦此為子與解嘲，并遺子相兩面孔相向時，將無一失笑也。

傳聞太守趨庭日，握手青山思不禁。海濶群珠扶月上，天迴雙劍借龍吟。詩篇且闢新秋色，手板寧輸異代心。一自薊門風雨後，歲星何處不浮沈。

送汪太史振宗封衡世子還朝

屈指公車射策年，忽看飛傳若從天。崢嶸玉葉東秦後，縹緲金莖北極前。共惜衣冠星使去，虛令鍾虜雪宮懸。祇應同姓諸王表，親載齊閑第一篇。

中秋夕諸先輩邀飲使院有作

還馮蠟屐據胡牀，不數南樓在武昌。城外青山排坐入，月中瑤樹對分行。呼來滷酒寒逾綠，歌罷齊謳夜未央。古樂府有齊謳行自是諸賢多意氣，留髭莫遣醉時狂。

其二

碣石談天未擬闌，秋空忽送桂輪看。何人不問黃金粟，上客無呼白玉盤。罷舞徘徊鸞扇曉，歸來縹緲鳳



笙寒還餘寡和江南調長缺馮卿好借彈

其三

感管飛籌且遍催使君殊不厭深杯曲殘齊瑟雲俱  
住詩就隋珠月並來萬古泱泱東海色諸公衮衮建  
安才瓊漿只在芙蓉掌欲賦甘泉次第裁

題徐汝思雲門山詩刻石後

拄笏高齋日幾迴西山秋斲玉崔嵬誰分使者連環  
去卻掩僊人射的來石作長庚懸露掌雲為閭闔倚  
天臺緣君句好新題在不為桃花路始開

寄致仕尚書山陰何公

十年霄漢未蹉跎一跡風塵柰樂何健憶賀公辭綬  
晚貧憐疏傳賜金多青天忽落持螯手白日殊私捉  
鼻歌為問山陰春雪夜何時却放子猷過

送范使君視浙江學

栢梁誰為薦相如使者俄驚天上除但道聲名新岳  
牧不知詞賦舊公車春風絳帳諸生裏粵海青山百  
戰餘更是折衝多俎豆可能蕪采計然書

得張直卿叅政書有懷却寄

青門柳絲昔踟躕使君五馬王不如北風吹殘歷下  
酒南斗忽墮湘中書山城虎豹日妨卧水國鼃鼃誰



與居安得便呼從事去相携射取武昌魚

待劾未至信筆成二章撥悶并簡吳王二使君  
今朝黃紙得如意明日騎驢大道傍任他錢刀吐氣  
象肯為表馬爭輝光東家女蘿附松老西鄰李樹代  
桃僵男兒七尺會自管何用生死他人牆

其二

世人妬我金雙符天老贈之月五湖朱輪拆買范蠡  
掉紫袍脫贈黃公鑪依舊豫章一男子不羞高陽諸  
酒徒雲霄故侶汝自愛白眼四望秋空孤

王僉憲慎徵入賀還

聞爾輜軒出 帝鄉焦峴新關迥相望金盤可更名  
承露玉輦將無御總章異日諫書三木下何人揖客  
五侯傍相逢信有多悲慨愁對寒雲正渺茫

追和于鱗汝思除夕之作

去矣年華不可留虛堂寂歷散蓮籌鐘聲未起千門  
色杯酒仍牽隔歲愁海內風塵新白髮使君冰雪舊  
青州不知濟上寒多少曲裏陽春已再酬

得子相七月書云頗有歸志率爾奉答

去鴈來鴻未可遲使君今擬挂冠期械開白日芙蓉  
老讀罷青天薜荔垂大海春聲兼鼓角小山寒色隱



旌旗人間尚有王生在  
俛首風塵病不辭

齊東王故邸懷舊游有作

尚憶梁園設醴辰  
湘簾乳燕赤榴新  
榴分安石珊瑚細  
醴出中山琥珀醇  
明月如懸飛蓋影  
春風忽散曳裾人  
何當華屋飄零句  
把向羊曇醉裏論

敬美弟舉南宮喜而賦此

書來綵筆縱橫甚  
此日春干氣象高  
燕市總先騏驥骨  
謝家殊有鳳凰毛  
燈分太乙初携杖  
錦奪東方舊賜袍  
為報汝兄真長物  
不妨投効老林臯

第甲次小後賦此慰之

俱傳射策動明光  
露表金莖重渺茫  
白雪不為天上調  
朱顏翻倚市中粧  
庭過長者無多轍  
粟請侏儒共一囊  
莫倚王家門第在  
過江羞作尚書郎

鄒處士齋茂秦書來謁賦此贈之

蕭然落日半空除  
矯首乾坤歎索居  
有客相逢鄒衍似  
停鞭為出謝莊書  
梁園賦月才難老  
稷下談天辨有餘  
自是聖朝多隱逸  
使君秋興滿樵漁

重登岱嶽四首

天矯雙旌引翠微  
千崖欲絕至如歸  
天門不散真人氣  
河漢曾窺織女機  
峽坼蒼龍仍對舞  
峰迴碧鳳舊



爭飛唯應處處櫻桃發似有珊瑚綴薜衣

其二

玉瑄銀瑱且莫從孤筇信汝踏芙蓉巖腰半捲垂虹  
帶澗底俄懸落日春暑霽青天如對染寒歸白雪竟  
留封靈芝只擘齋房種不向秦皇羨五松

其三

平楚蒼然萬里看不堪秋思罷馮欄三千自擁神僊  
宅七十空傳聖帝壇北極垂衣閭闔遠中原回首夕  
陽寒長餘一掬人間淚來日風塵未敢彈

其四

大火人間鬱欲流差我蕭瑟吐高秋鷄聲忽訝淮南  
過鳥跡猶疑舜帝留返照金泥時自躍過雲石髓迥  
堪愁 君王未許東封奏空向長安問子侯

夏日同皇甫開州游鄭氏園

看竹池亭雨後新衝泥未怯往來頻林間散髮逢玄  
晏谷口停驂問子真水淨芙蓉偏窈窕天清鸛鶴自  
精神將從傲吏金門隱塵土應慚上角巾

壽少司寇何公 代應公

問俗熊轡出濟方人云何武此淮陽春迴太嶽千家  
雨秋壓潢池一劔霜北極舊遺丹禁履西曹重檢白



雲章漢廷畫一吾真幸執法雙瞻

帝座傍

送揚州李太史丈請急省覲

春來錦纜滿江湖曾是甘泉賜沐殊當年

聖主頒魚佩今日親庭見鯉趨桂樹雲生淮海壯金  
莖月出漢臺孤若到里門應早下花間或恐有前驅

奉寄容山駱師

佐羈賢聲海外傳鬢鬢猶惜挂冠年浮名世已從呼  
馬晚意時應付聽蟬種秫醉傾沈棗酒采菱歌汎鏡  
湖船獨憐絳帳諸生列京洛風塵老鄭玄

送沈郎中守順慶

錦水征帆鼓吹開兒童騎竹郡符來星前舊壘餘巴  
國雲裏孤亭擬峴臺地有擬峴亭峴色書當槐府靜夷歌  
春讓芋田迴祗憐花發卽筒美誰似僊曹對舉杯

答于鱗

旅病春深骨尚寒側身天地傍誰寬空令紫氣長浮  
嶽不為青山並挂冠萬里書成歸鴈失何人歌罷片  
虹殘亦知溝壑非吾分未死人間事事難

其二

過君斗酒歷山田醉後狂歌枕腹眠倏忽風雲摧大  
陸倉皇冰雪走幽燕地分黍谷三光少天入滄江萬



古偏雄劍自來多變異不知霜色在何年

答明卿

廣柳車旁過暮春五陵斜日見孤臣  
吞聲對隕千秋淚把臂驚存萬死身  
虛有風雷歸汗漫敢期滄海變  
逡巡西來倘問平原館國士于今定幾人

其二

雪涕春風向路岐故人相對坐支頤  
驚心虎口時時在回首羊腸處處疑  
三黜主恩元不薄餘生天意欲何為  
知君未淺浮湘興肯為窮交暫緩期

答助甫

哭罷高天聽轉遙中原極目莽蕭蕭  
誰憐薊苑飛霜薄不救秦庭赤日驕  
事去幾人餘舊跡窮來何地折  
吾腰虛勞九辨哀湘手慘淡浮雲未可招

其二

行乞蕭條九市歸薊門風雨狎鴉衣  
浮雲不盡時人態白雪誰堪故侶非  
好去安危多肉食恠來詞賦少  
雄飛夫君大有乾坤淚莫向山陽笛裏揮

答子與

家難飄零歲未還幾驚雙鬢坐來斑  
槭飛白苧春前雪夢入青茗雨後山  
海內弟兄生死共天涯音信有



無間羞他桂樹叢叢長濁水清塵不可攀

其二

汝卧寒廬宿草平 朝廷空問孝廉名  
長憐越石齊中獄幾廢龐公若下耕  
萬里帛書械涕淚十年詞筆罷縱橫  
援琴莫恠難成曲半入燕山風雨聲

哭子相

伏枕燕關氣惜悽驚魂忽破驛書題  
窺人魑魅驕相狎入眼星河黯自低  
歲暮中原無驪裹春晴大海有虹霓  
何言後死斯文在七聖襄城路轉迷

其二

墮壁闥天紫氣微十年空恨國工稀  
猶餘明月人間號不覩連城海上歸  
及墓諸生封馬鬣挑燈少婦泣牛衣  
平生賸有遺書在惆悵傳經心事違

寄家弟振美

余昨冬北徂弟寔送余江許慟哭而別  
不謂區區尚存此生然聞菟裘之地荆  
棘多矣書此志憶且用相寬勉焉

江頭風色峭帆新江鴈啣蘆來往頓  
握手已非生別地題詩還是暫時人  
天橫北海書難信日落吳門練未真  
俗散汝曹無可却時違豺虎即須覲



答徐汝思

平原傳客至瓊瑤况有清尊破寂寥應謂酒人輕歲  
月不將詩筆傍雲霄悲歌碣石虹高下擊筑咸陽日  
動搖去矣使君須自愛莫因纍叟厭清朝

其二

解組翻成滯帝都竄身何處覓江湖書裁北關天  
逾遠謳罷南冠雪轉孤孤父貧甘垂死飯鮫人泣灑  
報恩珠因君忽憶登壇事腸斷遼陽塞草枯

承元肅叅軍見過用舍弟韻

忽漫星槎海上還間行杯酒惜朱顏何人勁節風霜  
後屈指貧交天地間憊憶中原無白日愁聞故國有  
青山毋論二仲能相挽烏雀柴門且自閑

元日試筆示教美弟

處處崢嶸歲事新江村元日轉愁春久拚梅柳能相  
負耐可椒花便劇親病起雲霞聊借客窮來天地強  
稱人相看未有成聲意即使吹篴亦損神

初春屏居訊問燕廢有懷故人

卧病衡門逕轉深抱寒春日易成陰江天陽鴈空雙  
度水國潛龍自一吟欲徃交游羞桂齒漸來名姓失  
關心芝苓犯雪垂垂長短筱長鑿取次尋



得徐汝寧子與書云刻余擬古詩因答

憔悴悲吟大澤邊雙鴻忽下破春烟青山欲老潛夫  
論白雪虛傳和郢篇萬里故人殊健在中原風色尚  
蒼然相逢倘問行藏事自種要離墓畔田

答寄徐以言

憶昔公車亂後開當時諫草壓霜臺金雞北極鷲孤  
下威鳳中原好再來我自江湖甘落魄君知天地尚  
憐才山陰蚤擬乘舟約莫遣玉斝興盡迴

其二

折檻封章動九重匣中雙鐐鎖芙蓉歸舟剡曲家家  
雪採藥天台處處峰歲色平林空虎豹春聲大海起  
魚龍向來雷雨皆天澤未許逢干地下從

其三

十載容城涕淚殘京山宰木夢仍寒批鱗北闕狂誰  
在息翼南溟老自寬何地可償明月壁故人還擬切  
雲冠風江大有波濤思舟楫毋歌行路難



雲深風正大有悲思此詩世婦行遊覽

五息翼南影共自賞何此可費即凡墜姑入翠璫  
十輝容如彩氣類京山幸木夢以寒地翻北關玉指

其三

魚歸向來雷雨皆天戰未惜釜午此不掛

雷料藥天台處處紅嶽色平林空氣慘春綠大



